

此周夢棠有香鈔校本前載有香跋
守山閣刊行即從茲出蓋是書最初
底本可寶也丙寅夏從

伯恒孫君段勘曰題教語以歸之

藏園居士傳印

九國志總目

卷一

吳臣傳二十二首

卷二

吳臣傳十八首

卷三

吳臣傳四首

卷四

南唐臣傳一首

卷五

目



吳越臣傳五首

卷六

前蜀臣傳十八首

卷七

後蜀臣傳二十七首

卷八

東漢臣傳五首

卷九

南漢臣傳十首

卷十

閩臣傳六首

卷十一

楚臣傳十九首

卷十二

北楚臣傳一首

按宋史路振傳振字子發永州祁陽人淳化中以

危言日出賦擢甲科真宗時知制誥嘗採五代僭

偽吳南唐吳越前後蜀東南漢閩楚九國君臣行

事作世家列傳未成而卒王應麟云書凡四十九

卷其孫綸增入荆南高氏于治平元年六月辛酉

上之詔付史館寔十國也陳振孫書錄解題則云
末二卷為北楚張唐英補撰合五十一卷宋藝志
及馬端臨經籍考摠題為路振九國志五十一卷
俱不及其孫蓋綸雖經增輯而當時所傳播者則
唐英補撰也書仍路氏之舊故不改舊名其書向
無刊本惟散見永樂大典中邵二雲太史摘錄散
篇欲為編輯因闕軼過半不果成乙未冬二雲南
旋留稿于孔荏谷農部處今年夏荏谷出底本屬
予編次雖卷帙殘缺而所存諸傳俱首尾完善可
補五代正史之遺因為分國類叙得列傳一百三

十六首釐為十二卷並補世家目於卷首目於目
下畧注始末以便檢閱吉光片羽當亦嗜古者所
同珍也乾隆四十一年歲在丙申十二月二十六
日有香周夢棠識于宣武門內貝瓔榭之因居
是日立春

九國志卷一

吳太祖以唐景福元年再入揚州至睿帝天祚三年為南唐所篡蓋晉天福三年也歷傳四主凡四十六年為

世家

宋路振撰

孫壯藏書印

太祖

姓楊名行密初名行愬字化源廬州合肥人

稱淮南節度使乾寧二年七月再入揚州唐以為

淮南節度使乾寧二年七月再入揚州唐以為

爵吳王天祐二年十一月庚辰薨年五十四謚

曰武忠武義初改謚武孝王廟號太祖乾貞元

年追尊為武皇帝陵曰興陵

帝陵曰興陵

烈祖

名湓字承天行密長子唐天祐二年冬嗣位

五年五月戊寅為張灝徐溫所弒年二十三

謚曰威武義初改謚景王廟號烈祖

乾貞元年追尊為景皇帝陵曰紹陵

高祖

名隆演初名瀛又名渭字鴻源行密第二子唐

天祐五年五月己卯嗣位十六年建吳國改唐

天祐為武義元年二年四月己丑堯年二十四
蓋曰宣乾貞元年尊為高祖宣皇帝陵曰肅陵
睿帝名溥行密第四子武義二年六月戊申嗣位
唐昇元二年十月辛丑堯年二十八追諡曰睿
皇帝堯平陵凡改元四順義六年乾貞二年太
和六年天
祚三年

列傳

袁襲

劉威

陶雅

李神福

臺濛

張訓

李遇

劉金

秦裴

馬珣

劉存

李簡

柴再用

陳璋

侯瓚

朱景

張崇

王綰

王稔

李原

陳知新

朱虔祐

袁襲

襲廬江人少好學善屬文淵明偉象秦畢之亂高駢辟行
密為行軍司馬俾率所部赴難行密猶豫不行襲言于行
密曰高駢倦于政事聽惑妖妄彥等雖以誅呂用之為名
觀其事乃以暴易亂耳寧知非天將贊於公耶行密善其
言乃移檄諸州誘集徒眾將兵數萬長驅至廣陵秦畢害
駢襲勸行密縞素舉哀于城下眾皆義之乃破賊入城招
輯編戶會孫儒兵至行密問計于襲曰今城壁未完賊且
盛若儒至圍城是重擾民也不如且避之先是海陵將高
霸擁眾來附行密將令以兵屯天長抗儒來路襲謂行密

曰霸擁大衆心持兩端若使居天長是自扼也可因擣其
士卒擒而斬之行密遂斬霸而併其兵行密聞孫儒至復
欲遁歸海陵襲曰不若歸合肥繕甲兵再議攻取今稽乾
象公必再來及孫儒逼城行密果自天長返謂襲曰無子
吾幾不得歸行密平宣州獲趙錙留與其弟同館錙與梁
祖有素果遣使來求錙時襲寢疾行密使人問襲襲曰但
斬首送之必無慮也未幾卒襲剛忍好克每欲殺人必折
節下之行密哭之曰吾每恤刑而襲好殺享年不永深可
哀也

卷一萬八千一百
三十四第二頁

劉威

威廬州慎縣人少為小吏豪爽有節志與田頎陶雅俱為
行密奔走之舊行密起淝上及平秦畢有功表領賓州刺
史大順初與安仁義敗孫儒別將劉建鋒於武進其後儒
兵益集威與頎屢為所敗行密將歸銅官威曰今衆寡勢
殊難與爭然儒焚室掃壘絕後而來糧若不繼何從供饋
公宜勿與戰堅壁以禦之坐待其弊行密然之儒果敗乾
寧初表授廬州刺史及行密承制封拜就遷淮南節度副
使行軍司馬東西行營副都統未幾加使相天祐三年授
鎮南軍節度使撫州危全諷率虔吉撫信之衆十餘萬將
復鍾傳舊地時州兵無多士庶大駭威獨傲然日縱酣飲

全諷屯象牙潭不敢輕進及周本破全諷四州初平渭令
威巡視四境撫諭而還先是行密疾病問周隱以後事隱
以威為請威初聞不能無意及移鎮鍾陵復多專刑徐溫
請討威威聞之沮喪計無所出有幕客黃訥謂威曰公受
謫雖深反本無狀能挺身入覲必解前疑也威曰善遂遣
訥為先容渭果復令之鎮天祐十一年卒於鎮年五十八
卷一萬八千一百
三十四第三頁

陶雅

雅字國華合肥人本儒家子儀形魁偉眉目甚秀乾符中
天下將亂始投筆和門會西蕃入寇徵四方兵防秋靈夏

雅與行密淝上軍偕往未幾改隸諸葛爽征沙陁有功從
爽鎮河陽還補廬州衝山指揮使行密據合肥遣雅平鄉
盜秦定過修己等遷八營主將光啟初破桐城吳迴擊李
本於柳子山乘勝攻舒州下之以雅為舒州刺史為蔡盜
許勅潛兵夜至雅奔歸文德初從行密破趙鏗授池州刺
史大順中破孫儒於人頭山儒平授常州刺史遷池州團
練使田頎攻歙州時給事中裴樞守新安將歸歎於行密
以宣州副使魯邵往代之是時諸將授郡鮮不以唐歛為
事惟雅寬厚人多便之樞因遣問政山人聶師道往說頎
曰苟得池陽陶牧為守州人孰不承命願驛報行密因令

雅治新安入見樞盡州郡禮樞奇之及樞至京師奏雅為
歙州刺史天福三年田頔以宣州叛雅以州兵助臺濠伐
之頔出戰橋陷墮馬為帳下小卒許渥王綬所殺宣州平
兼西南面招討使先是順義軍使汪武聚盜據婺源行密
以為除州刺史婺源歙屬邑武恃險未嘗謁雅及頔叛武
多行剽劫至是雅檄移聲言討洪饒由婺源往武引弟姪
十餘人就路迎謁雅顧左右擒殺之緩轡入其營中無敢
動者天祐初陳詢以陸州歸歙吳越遣萬眾攻詢雅率兵
救之軍士夜驚多踰營遁去將吏白雅欠伸不應乃下令
曰明旦有軍士不在營者俱斬果遞相傳告未頃而定明

年破婺州虜越州刺史沈夏以功遷衢陸團練使江南都
招討會宣州王茂章叛奔越雅虜茂章伏兵斷其歸路乃
令大將軍金師會領睦州事遂班師新安而越兵大至衢
睦婺三州復沒八年移鎮武昌雅利黥川殷阜上書寢之
遂遙領武昌軍節度加同平章事知歙州團練觀察等事
十年八月卒於任年五十七雅性沉靜好讀書手不釋卷
雖臨陣敵常褒衣博帶自幼年戲弄未嘗有椎刀傷手及
為大將每矢石交飛終莫能中接賓佐有禮事兄弟以孝
敬非公宴不舉樂音疎財重士人以此歸之典黥川二十
餘年民感其化生男女或以陶為字焉

李神福

神福洺州人幼執親喪哀毀過瘠鄉里異之及長沈勇厚
敢唐末四境交募勁兵因隸上黨軍籍時高駢兼諸道行
營都統神福從州將王重屯淮海因投于行密中和中同
安賊陳儒攻刺史高瀆遣使來告行密未能救謀於神福
對曰此羣盜烏合易與耳公但聲言赴援可不勞尺刃為
公解之乃請本軍旌旗問道以人既夕引州兵出外各持
旗旌入列大陣之狀儒果夜遁行密大奇之光啟二年壽
州張勣叛寇汜上神福率兵與戰敗之于楮城秦畢之亂
高駢召行密因遣神福諭曲谿劉金盱昭賈令威各以義
兵來附破秦畢軍神福功居多會選卒為黃頭軍遣神福
為左右黃頭都尉龍紀中涇縣王賞太平嵇常滿俱聚盜
剽鄉里神福引兵破之但誅其首惡餘皆不問大順二年
孫儒前鋒兵屯溧水行密遣神福將兵禦之神福謂諸將
曰兵倍不戰况儒衆十倍於我當且避其銳以驕之乃退
舍而儒衆果怠神福乃選銳卒躋險夜襲之果大潰又擊
儒要山寨破擒其將李弘以功改左游奕將銅官鎮遣使
田頌為孫儒所敗行密欲退守銅官神福諫曰儒掃境而
來利在速戰宜堅壁清野以老其師神福願以本軍據險
結柵時出輕騎抄其糧運彼前不得戰退無儲糧此送死

之道行密曰善因以神福為宣池兩路都游奕使是夏儒
食盡果敗以功奏授左千牛衛將軍景福二年廬州刺史
蔡濤叛遣何瓌來寇神福迎擊於青斗山大破之遂傳城
下賊平遷左衛都校未幾授舒州刺史天福元年與呂師
造攻臨安錢鏐使顧全武來援神福退師令羸老行又令
師造設伏青山路自將一軍殿後夜未夜全武果盡銳來
追神福偽北走伏軍發前返來攻越軍大敗擒全武復攻
臨安久不克先是神福遣使護鏐先塋禁其樵採及獲全
武又遣通家問越人皆感之因納其犒賂而返二年改昇
州刺史行密以女妻其子承鼎三年攻杜洪於鄂州大敗

敗洪軍時城中積荻山上神福謂將軍曰今夜焚此諸將
皆不測是夕遣人乘舟載火炬至瀟口分焚樹偽為梁軍
來援之狀城中焚荻應之諸將伏其智梁祖遣將韓勅率
步騎萬餘屯瀟口又令荆南以舟師赴援成汭盡眾浮江
而下神福登岸望之曰舟人雖盛然首尾懸絕宜急擊之
乃迎戰大別山汭果敗溺水死勅亦引眾遁去自是洪勢
益孤會宣州田頌叛襲昇州劫神福與帳下妻子俱歸宛
陵厚養之以誘神福行密急書召神福覽書袖之揚言曰
鄂州尚未下又令急取荆南因號令諸軍遠閤順流而下
願遣將王壇汪建以舟師援洪又別遣人遺神福書約分

地而治神福斬其使擊壇建破之復戰于皖口又敗其衆
浮尸棄舟蔽江而下壇建以輕舟遁去四年以兵屯田梁
加西面行營招討使光州團練使疾甚求醫於江都卒年
五十

卷一萬八千一百
三十四第八頁

臺濛

濛廬州合淝人少為金牛鎮將行密據合淝始來歸從征
秦畢趙錕俱破敵有功大順中馬敬言為孫儒敗於廣德
初儒與李從立乘勝至東谿時城守未固軍士大恐濛以
一旅巡谿西會天晦詐令士卒傳諭往返者數四謂大衆
屯集中夜皆遁去及儒柵陵陽濛於魯江五堰作輕舟餽

糧終儒之世軍無饑色從行密歸廣陵以功遷楚州刺史
乾寧三年破蘓州以濛守之越人水陸大至濛擊敗之錢
鏐親率舟師至會糧盡濛拔衆遁歸光化二年行密初得
朐山以濛為海州刺史在任貪殘為郡民所訴又為田頔
所譖降為連水制置使天復三年田頔叛于宣州行密歷
數諸將無敵頔者乃謂濛曰非公莫可濛曰頔不守富貴
自取滅亡濛今仗大王威武以順翦逆往必擒頔願王無
慮行密大悅濛初入其境即翻陣以往軍士俱笑其怯濛
曰願宿將多謀當自過防翌日果遇陣於廣德濛欲奪其
銳先以行密書遺頔將校皆下馬拜受因其擾亂濛麾衆

擊之顧兵大敗乘勝遂圍宣城冬十月顧出州外求戰登橋馬墜為外軍所殺宣州平行密承制加濛檢校太保宣州觀察使天祐元年卒於治所年五十三

卷一萬八千一百三十四第九頁

張訓

訓字克明滁州清流人身長八尺餘要帶十圍中和三年歸行密於合肥行密訪以方畧悅之今從石令言攻同川克其城從田頌擊張翱於楮城入擊趙鏗昌山兵破之克宣州訓功居多遷左右黃頭指揮使以所部戍廣德拒孫儒於黃池從李神福襲歷陽下滁州孫儒焚廣陵悉銳攻宣州行密命訓潛軍入廣陵滅其餘燎獲軍儲數十萬以

賑饑民行密令馬爽守廣陵爽叛為諸將所殺城中大囂訓整師以出眾乃定孫儒之起也毗陵守將劉建圭從儒俱西土豪陳可兒據毗陵訓率兵奄至城下可兒倉卒出迎訓於馬上手刃殺之奪其兵入城中又率兵絕儒糧道於安吉馬頭儒敗訓論功為景福元年從行密歸江都路經毗陵行密顧左右曰毗陵大城也訓一劍下之不亦壯哉即授温州刺史乾寧二年屯兵連水以備梁師劉知俊聚糧石碭戍守皆潰盡焚其儲積訓歸路出東海為知俊所邀訓擊大破之青口之役吳師悉起訓師所部迎行密行密喜以兵千人令為前鋒會朱瑾假梁人兵鋒先入

其壘訓登岸疾戰踰柵而入遂破龐從軍以功授淮海遊
奕使天復三年王茂章平密州以訓為刺史會梁祖以大
軍至訓謂諸將曰城孤師少何以待之皆欲焚城掠聚而
去訓曰不可如此則我師難歸遂封府藏下懸門立虛幟
於城上遣老弱居前訓自以銳兵殿其後梁軍前鋒至見
城上旗多未敢逼數日方入城又見府庫城邑晏然如故
亦不追之天祐七年遷黃州刺史卒於治所訓質直勇而
多力曾渡毗陵西橋馬畏不渡乃持尾鬣舉之以濟然不
恃其勇故多功保全焉

卷一萬八千一百
三十四第十六頁

李遇

遇合淝人始事行密帳下光啟中禦梁軍於慎縣遇單騎
按梁率先破敵以伍長遷馬軍副指揮使從平秦畢趙鏗
孫儒皆有功遷淮南馬步諸軍都尉累遷常州刺史天復
三年安仁義以潤州叛夜襲毗陵仁義善射諸軍多畏避
遇背城逆戰仁義喪師自是不敢東顧天祐中宣州王茂
章奔越乃以遇為淮南行軍司馬宣州團練使徐溫專政
遇不能下之常言曰徐溫何人吾所未識溫怒命柴再用
將兵送王壇代遇不受命再用攻其城逾月不克時宣王
遣典客何蕘說遇曰公本圖反請斬蕘以徇本無反心可
隨納款遇聞王命遂開門委命溫族之孫仁義方嬰為人

匿之而免李昇秉政以仁義為縣令 卷一萬八千一百
三十五第一頁

劉金

金淮陰洪澤人光啟中江淮兵亂從鄉首李章保曲谿章
死金代有其眾行密營廣陵金盡以其眾來附破秦彥金
有力焉文德初從攻趙鏗於陵陽明年金度鏗必遁思以
計擒之因偽鏗與通好約為外應鏗大以金帛為遺復夜
迎金入卧内許妻以女金歸營慮鏗兵盛出不能制乃遣
人臨城大譟云劉郎不能與爾為女壻也鏗聞之沮喪果
宵遁大順中孫儒寇宛陵行密遣金拒之屢破儒軍以功
授滁州刺史行密破鍾離移濠州刺史未幾遷團練使天

祐二年卒子仁規嗣仁規娶行密女渥襲位遷過口兩城
使乾貞初授清淮軍節度使 卷一萬八千一百
三十五第一頁

秦裴

裴慎縣人少驍勇頗涉獵以鷹隼為事嘗云天上黃鷹地
下黃金餘不足貴也行密起合肥因隸帳下大順元年秦
授檢校左散騎常侍行密據廣陵以裴知揚子縣有虎入
縣郭裴親殺以獻行密召裴賞之裴曰此眾共殺非獨能
制也行密嘆曰勇而能謙必享富貴歷高郵無錫令俱有
能名乾寧五年率兵破越崑山鎮以千兵守之錢鏐遣顧
全武引萬眾來復裴援絕全武以檄說裴裴封函納款全

武頗自負名諸將聚觀全武曾為僧發函乃佛經一卷全武大慙裴戰無虛日士卒多病傷死未幾糧盡告降錢鏐預設千人食以待之及出土卒不滿百鏐讓之曰軍孤衆寡何苦相拒裴曰但事君盡節死而後已今食盡歸命非本志也鏐大賞之因熟視裴曰君有藩侯相他日必歸君餘勿為念裴在越三年寂無歸耗忽一日裴遣人告行密遣李神福攻越臨安鏐遣顧全武方宇救之為神福所擒明年行密送全武及宇易裴以歸天復三年從李神福歸鄂州荆南成汭乘大艦來援裴率兵沂流逆戰汭敗溺水死又攻田頔衆於吉陽磯以功授諸軍都尉從劉存攻夏

口破之加昇州刺史天祐三年洪州鍾傳卒州人立其子匡時江州刺史延規傳之養子忿不得立以其郡納款因授裴西南面行營招討使攻匡時至蓼州時軍欲限水為柵裴不聽匡時果遣將劉楚據之諸將相顧失色俱咎裴裴曰城中驍銳惟楚耳若令總衆拒守此城何由卒破吾固留此要害以謀致之既而分軍晨出盡銳破柵既擒楚方傳於城下未幾城陷擒匡時以獻諸將皆服其智號令嚴肅兵士無敢殺戮洪之士卒俱來就營求其戚屬為出府帛贖還之洪人感悅授洪州制置使張顥用事慮裴為變急召歸及湖口遇鄂帥劉存與潭軍戰沒復授裴鄂岳

觀察使會重午裴宴諸將而潭人入寇裴遣弟師鐸師虬
乘戰艦先往裴食訖登黃鶴樓以望乃以平頭舫顧小校
曰但乘此卷旗奪潭人船以戰及與師鐸軍合乃建大將
旗潭人愕眙裴因擊敗之六年入覲因求歸故里以民禮
謁縣宰見里中故老必拜坐以少長為齒九年加武昌軍
節度使遇疾求歸至湓中卒年五十九裴在治七年積軍
儲二十萬開青山大治公家仰足

卷一萬八千一百
三十四第十頁

馬珣

珣廬江人少翹勇有機畧初以貨財高于江都會秦畢圍
城乃歸鎔鄒軍畢師鐸於城南立高樓以望城中呂用之

患馬募壯士摧其樓珣應募夜半獨伏劔入賊營倒之用
之厚賞遷十餘級行密入城聞其名錄為偏將與朱延壽
相友善乾寧初授珣舒州刺史移守漣水三年梁將朱友
恭圍瞿章於黃州命珣率兵援之黃州陷戰不利與張訓
呂師造成和進石率等收散兵三百人自黃州間道緣分
寧絕山谷而東道經撫州危全諷聞其來布四壘于路壘
皆萬餘人珣語諸將曰彼謂我可坐縛也今與諸軍擊其
中堅逐其軍帥取其資而食其穀可以歸矣會夜擊全諷
之壘大破之全諷僅免乃飲宴于賊營擇其利兵而用之
明日廣張旗幟揚麾伐鼓從山直下衝其連營鋒若雷電

賊皆潰走。珣凱唱而歸，謂行密言其戰行密罵之曰：「懦豎子，何不遂據其城？」珣拜謝不敏。珣滑稽好鼓樂歌舞，雖出師登騎，俳諧不輟。既而卧疾，謂所親曰：「若患愈，當乞師數千，可以蕩平西南夷獠，俄而卒。衆惜其智勇，部下將校見其二子，無不感慨申敬。」朱延壽錄其孤而字之，延壽敗行密，收其二子，給與宅第。

卷一萬八千一百三十四第十七頁

劉存

存，陳州人。少拳勇，從行密起合淝，破秦、畢、趙、鏗，皆有功。孫儒入寇，身先苦戰，為賊斷足三指而戰不輟。翌日，行密出城與儒戰，存請先登，行密諭以指痛不止，因求皮履裹足。

而往。是日，平儒以功遷壽州馬軍都尉。乾寧中，預破葛周於潁河，遷舒州刺史，改團練使。天復中，副李神福攻杜洪於江夏，會田頔叛，遣將汪建王壇率舟師沂流而上，存與神福下瀝池磯，逆戰為流矢中目，存戰自若。建敗，存殺獲俱多。四年，復攻江夏，時神福病歸，存代為招討，使引十數騎巡城，憇於高岡，張樂命飲酒酣，鄂兵大至，存以旗向江，三招而止，鄂人望之，仡然有頃，自退軍中，服其膽畧，存急焚鄂城樓，梁援兵將突圍而出，諸將欲急擊之，存曰：「擊之賊必復入，復入則城愈固矣。」不若聽其遁去。諸將皆曰：「善。」是日，城陷，擒杜洪父子，斬於廣陵市，以功授淮南行軍司

馬鄂岳都團練使天祐三年率舟師攻潭州大雨不止軍
回至瀏陽為潭人所敗執存以歸馬殷親解其縛欲授官
存大詒曰汝昔歲宣城潰散偶漏我鋒刃今反欲臣我耶
殷知不可留乃斬之唐保大中邊鎬平湖南遣使就墳致
祭贈宣武軍節度使武衛上將軍

卷一萬八千一百
三十四第四頁

李簡

簡上蔡人有膽勇資質瓌偉始隸陳蔡軍中趙鏗選武幹
之士因任為帳下親信龍紀初鏗為行密所圍糧盡將逸
簡給守門者得出因奔行密補黑雲隊長大順二年孫儒
寇廣德行密將逆戰會夜屯於行密柵及旦儒軍圍之數

重率百餘人挺身突戰自外破柵拔行密以出遷黑雲都
指揮使乾寧二年從攻濠州濠水深濶簡手搴重甲口銜
大刀先渡踰壘破其關鍵擒刺史張遂以獻從攻壽州加
淮南右廂馬步軍都虞侯先是江都多盜令雖嚴莫能禁
止及是為簡獲者必徇其部分姓名所盜之物盡黥於面
於是寇竊皆息三年從田頔破蘄州虜刺史成及從行密
破龐從於青口敗梁軍於潁河副王茂章援青社從臺濛
圍田頔於宣州皆有功簡本姓陳既貴欲復其氏行密謂
之曰天下皆知有李簡何處有陳簡也以是不易渥襲位
王茂章將以宛陵叛命簡率眾攻之茂章聞簡至率眾奔

越改楚州團練使杭人屢寇無錫以簡為常州刺史改鄂岳觀察使天祐十二年授武昌軍節度使武義初加鎮西大將軍襲復州破之俘知州鮑唐以獻乾貞二年加西南面招討使入覲卒於采石江年六十九簡鎮上游之地十餘年重閩洞啓敵人不敢侵軼然忍而好殺又非法重斂鄂民之高貨者無不破產時論以此鄙之

卷一萬八千一百三十四第四頁

柴再用

再用蔡州汝南人性至孝七歲遇龐勛亂舉族避地祖謝鼓不能去唯再用獨留侍賊見而去之以是大為鄉里所異及長沈毅有斷面黑如鐵人號為柴黑子會秦宗權召

募驍勇再用以騎射應選時軍令止馬者再斬一日戰回籍韁而寢既寐而馬逸再用追之遇賊於林中環樹而射一發人樹俱貫賊畏走遂奪馬而歸光啟中從孫儒攻廣陵再用本名存嘗與軍中小校結為死友會有小校謀反儒斬之執再用至儒問何故反再用不對既伏質又問之始對曰某與彼相結為死友則某反矣公既誅之復何問焉儒奇之曰汝果不反吾再用汝因令改曰再用儒敗歸行密授先鋒馬軍指揮使乾寧中朱延壽辟為衙將因遷壽州團練都押衙敗梁兵于壽春遷團練副使從延壽平劉存子弋陽授知光州軍州事一日大震電家人皆伏匿

再用當戶坐不動俄見青襦袴者四人昇再用所坐牀出
庭中復大震屋椽折有龍出焉梁兵寇光山再用擊走之
以功遷光州刺史天祐二年梁祖平趙匡凝于襄陽乘勝
略淮上遣使謂再用曰苟以城降遷爾蔡州本郡為賞再
用乘闥而拜曰此州城小眾寡王若先下壽州回當自送
款梁信祖之攻壽州不拔而返再用襲之斬首二十餘級
以功加檢校太保渥襲位遷楚州刺史俄授淮南左廂步
軍都指揮使越人寇東洲遣再用率兵禦之賜長稍伍拾
戰敗艦破水滿再用為長稍所泛得不溺家人聞敗飯千
僧為禱再用戰歸取其飯召麾下以犒之曰此輩濟我佛

何力之有十一年袁州劉崇景叛引潭將許真為援令再
用攻之近城有萬勝岡再用欲奪之每旦出師岡下不與
戰袁人頗怠一日列大陣岡南崇景望之氣奪因出戰再
用躍馬徑入陣中斬首數十袁人大敗崇景棄城而遁武
義元年破越軍於無錫遷鎮西將軍領天平軍節度使未
幾移鎮武昌改德勝軍節度加中書令卒年七十二再用
寬厚淹雅有儒者之風好讀左氏春秋未嘗省視厨廐察
屬白事有不如意但對之假寢諸子娶聘必擇平昔舊族
史官王振請述戰功以補方冊再用曰鷹犬之效出自偶
然何足紀也累歷藩鎮敦尚儉素車馬導從不過十人亦

一時之良將也

卷一萬八千一百
三十四第十二頁

陳璋

璋潁川人少橫壯不羈歷事諸師俱無成乃歸行密未幾復委質於錢鏐景福初授杭州武勇都指揮使改鎮海軍踏白使乾寧中領賓州刺史從平董昌詔賜佐忠去偽功臣天復二年鏐將許再用叛據城外召田頎為援頎將樹柵於杭州咽喉之地鏐乘圍觀之大懼出金綵十輦募諸將有能奪其地者與之仍以頎為賞璋應募選驍健三百假護軍白馬以出免胄馳擊往返者數四竟奪之鏐大喜飲之巨觥即授璋衢州刺史與軍校葉讓不協因斬之與

睦州陳詢連衡復歸款于行密鏐以兵圍其州踰月不能出行密遣周本援之拔璋盡室以歸天祐二年行密遣陶雅平婺復授璋衢婺州諸軍事充都招討副使會王茂章叛雅棄其地改璋池州團練使署淮南節度副使越將張二保陷東洲授璋水陸行營都招討使繫仁保於海曲奪戰船三百艘盡復東洲舊地復乘輕舟入松江九谿偵邏越師大集團之數重璋獨射拖上心目皆應弦而倒因奮銳衝擊長圍遂解軍回泊洞庭見橘林意欲除之謂士卒曰若食鱸用此木研酸酪不假他物自有香辛味諸軍皆爭取樹立盡九年以舟師破岳州擒刺史苑政荆人潭

人會於江口邀璋歸路璋乃方舟並貫夜過其所敵人後
出已無及矣璋每入敵境或晚泊戒士卒整舟楫待令下
當行必此宿軍之所也若移帳下岸修堦習射及夜多前
去越兵寇上饒璋引兵侵蕪湖上饒之兵乃解乾貞元年
加鎮北大將軍領平盧軍節度使溥遣王彥章苗濙舉兵
西伐璋謂嚴可求曰朝廷攻湖湘何不用璋與周本彥章
與濙可當其偏裨耳其後彥章果敗三年加使相大和二
年改鎮東將軍充寧國軍節度使遇疾歸江都求醫至江
陽縣卒年六十五

卷一萬八千一百
三十四第十三頁

侯瓚

瓚字信美城濮人黃巢聚兵於曹濮瓚從之時年十六巢
陷京師瓚逃歸鄆州時僖宗幸蜀徵十道兵討巢朱瑄以
鄆兵應命瓚為偏將預行尋復與諸道兵伐秦宗權皆以
勇果聞頃之隨瑄弟瑾襲兗州瓚與瑾逆殺齊克讓破宿
州瑾據有兗州瓚為爪牙梁祖攻兗州力戰以却梁兵梁
祖圍時溥于徐州兗鄆兵救之不利溥死梁兵遂攻兗鄆
戰于城下者數年長圍三合而三却之時瓚常在瑾之左
右大小數百戰隨瑾搏擊馳突出入敵中殺傷不可勝計
乾寧四年隨瑾與太原將史儼掠徐泗瑾將康懷貞以兗
州叛瑾無所歸與瑾等率兵數千走海州遂來歸行密授

瑾衛將是歲梁祖大舉兵伐吳龐從古鼎金率衆入自青口葛周以精甲圍壽陽江淮大恐行密以兵萬二千會戰于青口時兵起倉卒加以陰寒戰士皆攘食飲雪而行甫及梁營則豎戈植足鬪志未決瑾與瓚率五十餘騎潛濟淮入自壘北無槩而馳囂聲雷沸梁兵皆殞眩不能舉遂斬龐從古大將繼之死者大半鳴鼓西行破葛周于壽陽沉其卒萬餘人於淠河梁人大震瓚功為多授左右隨從騎副隨王茂章救王師範於青州破梁兵五萬餘殺友寧瓚復有功從周本攻蕪州戰於黃天蕩從徐溫却王景仁於壽陽逐劉崇於袁州朱瑾救徐州之圍及攻潁州瓚皆

預戰累授滁州刺史大和三年卒年七十

卷一萬八千一百三十四第十

頁九

朱景

景壽陽霍丘人少豪猾驍壯有膽畧為邑中所服行密得淮南以霍丘地界南北盜賊交會難可防限聞景之勇為遠近所畏故以委之且伺北鄙之奔突景招合無賴年少得絕伎者百餘人撫禦之晝與捕獵暮分巡警月餘而材伎彊力無有及景者以是服從如一沿淮羣盜莫敢犯之梁祖聞其名命寇彥卿率勁騎三千襲霍丘圍取景且諭梁祖之意令降景率其徒戰于丘墟林澤中射死者無數

彥卿兵折力殫而去康懷貞之至復為景所困王茂章來
寇度淮水可涉處立表識之景易置于深潭水中立表浮
木之上茂章軍敗望表而涉溺死者大半積其屍為京觀
後破李進金何駟步騎數千尋拜滁州刺史移光州刺史
卒於任卷一萬八千一百
三十四第十九頁

張崇

崇廬州慎縣人少以伉勇隸軍籍光啟中始捕戎職從行
密破趙錕有功乾寧二年行密攻蘄州崇為越人所獲行
密欲嫁其妻妻曰崇忠孝必不負公請待之未幾崇果返
以為諸將都尉遷蘇州防遏使越人攻蘇州崇從臺濛敗

越兵於小白方天復中安仁義叛崇與茂章率兵攻之擒
仁義以功授常州刺史累遷廬州團練觀察處置等使天
祐十一年加檢校太傅光州軍校王言叛崇討平之授平
南軍節度使武義元年加安西大將軍梁祖遣將合湖南
兵攻荊州以崇為應援招討使引軍攻安州降其騎兵二
百而還遷德勝^軍節度使加中書令大和中封清河郡王卒
於治所年七十二崇殘酷暴斂泚人畏之嘗入覲議者盛
立不返鄜市少年皆將頤相慶崇歸聞之因斂將頤錢數
萬貫尤好使酒殺人重掌奏刁鎔每謂左右曰吾醉慎勿
令鎔出一日醉甚三召鎔至竟殺之詰旦召鎔左右曰已

殺矣崇大悔取其首視之揖曰罪過員外其輕人命如此
頗信鬼神家人求以厭息崇者先是后土廟塑韋安道配
座乃遣巫女詐云天上謫后土與公為偶崇往視之巫女
潛洩異香以為后土至矣崇乃命樂對像酣飲一夕家人
竊其兵器盡置廟中巫女報曰列仙不喜殺戰故遣六丁
取至公不得更用此傷害崇因是大為改悔歷藩鎮二十
年掠下以奉上年歲一入覲輸貢絡繹國中執事無不受
賂故其肆虐凌下保全祿位終身為橫耳

卷一萬八千一
百三十五第二

王綰

綰廬江人勇敢有謀光啟中始從行密破趙錕下蘇濠累
有戰功署行營諸軍都尉兼連水防遏使光化三年青州
戍將陳漢賓殺海州刺史牛從義歸款於行密行密命綰
與張訓率勇士二千乘勢未附襲之漢賓設備不暇果出
迎謁遂入府中諭以利害漢賓乃解甲聽命以功授檢校
左僕射是歲青州王師範告沂密內叛授綰海州副使兼
沂密兗鄆諸州副使與臺濠攻密州下之將擊沂州覘者
曰城中偃旗卧鼓寂若無人綰曰此必有備而援兵近矣
諸將曰密城既下沂易與耳綰不能禁但於茂林設伏以
待果攻沂不克援兵俱匿師既退為沂兵持其後綰伏兵

擊之沂人大北未幾代臺濛為海州刺史天復三年改連
州制置使天祐中復刺海州就加平盧軍節度使明年改
定南大將軍知處州防禦使谿桐民多為盜至皆平之順
義元年授百勝軍節度使召歸乾貞初卒年七十二卷一
千一百三十
四第十五頁

王稔

稔廬州人少驍勇始以騎射隸行密帳下累從征討有功
乾寧中梁祖遣將葛從周討揚州稔與柴再用率兵禦之
稔以六騎登高山覘梁軍為梁軍所圍候者望見之請以
救兵往再用曰王稔辦事不須憂也稔與其徒解鞍而卧

梁兵不敢上會暮圍兵漸合稔乃步依林木轉戰而行因
是解去時止馬令峻遂重襲梁兵奪馬而還軍中壯之袁
州劉崇景叛湖南將許貞率眾來援貞單騎求鬪稔獨援
長槊逐走之以功授滁州刺史又從徐温破寇於山南遷
壽州團練使未幾授清淮軍節度稔好儒學性寬厚褒衣
博帶有同儒者先是壽春人多尚武復警夜至嚴稔至唯
閱經籍下帷肄業通宵無禁不數戰鼓篋待問者四境鱗
萃每講肆開必饋以束修旨酒鄉里薦舉歲常百餘人稔
多力每選二勁弓弦加兩耳分手前引雙滿者數四乾貞
三年歸授左右雄武統軍卒年六十六卷一萬八千一百
三十四第十五頁

李原

原蔡州人乾寧初歸行密為黑雲隊長破濠壽有功加檢校兵部尚書改隸朱延壽將戰會立新軍每旗以五伍為制遣原以十旗擊其西偏不克而返延壽將斬之原曰彼眾我寡願更益師以往苟不勝敵死未晚也乃增以五旗原力戰梁人亂延壽乘之遂大敗行密聞之召歸授黑雲都指揮使天復中從臺濠破宣州天祐三年以兵授宜春深掠越境師還以功遷黃州刺史溥襲位授泰寧軍節度使同中書門下平章事卒於金陵年六十

卷一萬八千一百三十四第十

頁六

陳知新

知新廬江人從行密起兵攻畢師鐸孫儒皆有功屢以親軍攻定南北諸部多立奇績累授先鋒指揮使天祐元年率兵攻邑陵破其水柵逐楚將許貞盡收其地拜岳州刺史三年加團練使是歲從劉存大舉師伐湖南會天大雨旋至瀏陽江為楚兵所襲存與知新戰敗俱被擒楚王馬殷親釋其縛且慰勉之莫為已用知新叱罵曰吾豈能負揚公而反事汝耶殷知不可留乃殺之家悉陷敵

卷一萬八千一百三十四

第十七頁

朱虔祐

虔祐潁川人少多力善戰初為義興令行密惜其材召居
 帳下常率眾居前從王茂章援青州去為軍鋒歸則殿後
 我軍背險虔祐以五百人當之追兵大至茂章亦留解鞍
 而寢虔祐促茂章亟去自與梁人戰殺傷無數日暮兵盡
 被擒士卒無求生者以故我軍行遠追兵不能及梁人執
 虔祐見太祖大祖壯其事欲釋之虔祐請死不得瞋目大
 罵被害行密厚恤其家後數年嫁其妻詰旦行矣其妻沐
 浴禱之曰王愍我窮獨恐終不能自存當嫁我於某氏嗟
 乎今日猶君之妻明日他適矣君忠烈若是沒豈無神遂
 棄我是夜無疾而卒夫忠婦義如此卷一萬八千一百
三十四第十七頁

九國志卷二

宋路振撰

吳

列傳

- | | | | | |
|-----|-----|----|-----|-----|
| 劉信 | 馮弘鐸 | 賈鐸 | 危全諷 | 譚全播 |
| 李濤 | 鍾章 | 朱瑾 | 米志誠 | 翟虔 |
| 張可琮 | 鄭璠 | 楊彪 | 陳祐 | 劉權 |
| 崔太初 | 陳彥謙 | 高澧 | | |

劉信

信字興遠兗州中都人少豪勇善騎射始陷蔡盜許勅軍
 中勅敗自滁州奔于行密及破秦畢頗著戰功大順中行

密與孫儒對壘一日召信受事信醉不能起行密罵之信
出投賊左右請追信行密曰信醉耳豈負吾者耶明日信
果返孫儒平以功轉騎軍副指揮使從破濠泗遷滁州刺
史改左右隨從馬軍都尉王師範據青州密人叛師範求
濟師行密遣臺濠率兵破之信先登破敵冒重瘡及青人
搗師先求白甲軍增其賞蓋信所部兵皆鐵鎧也天祐六
年袁吉信撫州結潭人將復豫章改信鎮南軍節度副使
率兵敗潭將苑玫於上高遷袁州刺史危全諷新破其將
黎汾王藻聚殘黨為盜南城間信盡破之一郡遂寧十一
年授鎮南兩軍使留後劉崇景以袁州叛信擊走之授鎮

南軍節度使信為治苛猛民流言將反會王祺率舟師南
上信意其圖已乃乘小舟解具冠帶詣祺請罪祺大驚謂
曰奉命封譚全播於南康請公駐吉州以警潭人非他也
時虔城險攻之久不克祺以疫死遂改信為招討使全播
懼因納款信受其質而還徐溫方執政聞之大怒杖其使
者信子彥英時為親軍校溫令三千人往援之溫戒之曰
汝父據上游之地擁數萬之衆取一小郡不克而還是反
也今授汝此兵可往助父反信聞之大懼即返旆疾趨克
其城而還先是有譖於溫言其逗撓固縱全播至是信自
獻捷於江都溫大喜復遣還鎮十六年吳王開國加信征

南大將軍後唐莊宗即位遣諫議大夫薛昭文丹閣王假道豫章信勞之謂昭文曰皇帝知有信否昭文曰主上新有河南未熟公之名信曰漢有韓信吳有劉信異代其人也因指牙旗銀首舉卮酒以屬昭文曰射中此願公飲一箭而穿之觀者無不稱快信用親吏吉况輩聚斂財貨置積廳事日納銀滿其中莊宗伐蜀温恐信為變急召歸江都為左統軍温卒又傾心事知誥復歸鎮明年卒於治所年七十信將上章請立廟於洪州許之

卷一萬八千一百三十四第十一頁

馮弘鐸

弘鐸連水人少與張雄友善雄以事為吏所抑因與其徒

亡入海為盜弘鐸隨之聚眾千人自號天成軍遂據上元雄卒弘鐸繼其位治水軍於金陵樓檻之盛聞於天下大順元年詔復以上元為昇州命弘鐸刺史遂增版築大其城為戰守之備行密定淮浙因請歸附時田頎在宣州常欲窺伺弘鐸界居二大國之間又郡中數有妖怪居人相驚忽負抱嬰兒奔走諭之不可止弘鐸心不自安遂恚眾南上其日淮口大風發屋拔樹大石巨木皆飄於空聲言將討豫章寔欲襲頎頎自帥舟師與戰于昌山弘鐸敗沿流將入海行密自出東塘邀之先使人謂弘鐸曰用兵者勝負豈有常哉今眾力未損公何憂一郡而欲自屏於海

外吾府雖小足以容君之衆使無失所若欲淮南節度吾亦當讓君捨此而去無謂也弘鐸左右聞之皆哭於是聽命行密乃升弘鐸舟執手慰勉一軍皆歡呼遂以弘鐸歸署揚州節度副使館給甚厚將吏皆分部安堵嘗與行密同祀漢高廟有二鳥鬪於樹行密命射之弘鐸引弓伺便一發而二鳥俱墜天祐四年卒

卷一萬八千一百二十四第十四頁

賈鐸

鐸字聲遠唐相眈之嫡孫生於上蔡遇亂為秦宗權愛將宗權暴虐不軌鐸諫之不聽反見疑懼禍及乃挈家夜與屬卒千人出奔宗權嚴兵追鐸且戰且行數日乃渡淮遇

故人馮敬章導之襲斬春破其城推敬章為帥鐸為牙將塹城厲兵以自固行密命朱延壽攻之鐸方出獵延壽潛軍淹至圍其城鐸奔還度不得入以兵伏林中選士二人皮羊皮夜入延壽所掠羊羣中因得入城約城中夜半開門舉火為應再以羊皮復命鐸如期領兵趣城南門門中火舉乃力戰突圍得入延壽知其狀驚曰吾恐其潰圍而出今反潰圍而入如是則城安可卒平乃以鐸報行密令召軍中與鐸有舊者持誓書金帛與之和仍令延壽與之約婚小將柴再用應召而行鐸乃請盟延壽以妹妻其子匡浩行密復授鐸左監門衛將軍乾寧二年加壽州左右

軍光化二年授檢校右僕射天復三年加金紫光祿大夫
檢校司空授黃州刺史天祐二年移光州刺史七年卒於

治所

卷一萬八千一百
三十四第二十一頁

危全諷

全諷臨川南越人世為農夫初生赤而毛醜狀駭人父母
欲勿舉其姊保護之僅而得全及長人質明秀豪勇任氣
乾符末所在寇亂乃合招同縣少年即其居為軍營鄉里
賴焉時安南都護謝肇受招安撫江嶺間而嘉之補為討
捕將表加憲職賊帥黃天感據龍安鄉朱從立據石牛洞
皆竊稱名號官軍屢敗遣全諷討之明年悉平中和五年

黃巢餘黨柳彥章攻破臨川逐郡守大掠而去全諷遂入
之詔即以全諷為撫州刺史郡署及俘郭焚蕩畧盡乃悉
心為理招懷亡散興緝圯懷不數年完復如故時南平王
鍾傳亦乘亂據有豫章朝廷因命為帥諸郡亦多自立者
皆不能恭承節度而全諷最强尤驕傲不遜遂為勅敵久
之傳不能忍自率兵討之既傳其城而城中夜失火士民
驚亂諸將請急攻之傳曰君子不逼人之危乃掃地而祭
曰全諷之罪無害於民煙焰遠止天之惠也翌日全諷聞
之遣使謝罪聽命請以其女嫁傳之長子匡時傳許之乃
盟而還由是稍修支郡之禮然豫章之人常畏之傳卒軍

中以匡時為留後全諷曰聽鍾郎三年為節度吾當為之
既而我師圍豫章全諷不能救及城陷乃謀東兵時宣州
刺史王茂章叛入越假道臨川以之梁問全諷曰君欲大
舉願見君之將士以下濟否乃陳師于野與茂章登城而
觀之茂章曰衆凡幾何曰十萬茂章曰淮南有三等將如
公此衆可當下將爾益更益十萬乎全諷不聽悉衆屯象
牙潭自稱江西留後旁郡皆以兵資之湖南馬殷又遣將
高安以為之援軍勢甚盛豫章大恐將軍周本攻象牙潭
大破之擒全諷于陣諸郡皆潰楚撤高安之圍而遁於是
克定八郡之地送全諷維揚親詰之全諷不答初行密之

攻趙鏗遣使通聘於臨川全諷報禮甚至糧運兵器皆取
給焉至是以舊恩釋之先是潤州刺史安仁義築第於邗溝之
西因以賜全諷資給甚厚天祐六年以壽終諸子隨才叙
錄全諷敬愛賓客善撫士民頗有巧思多所興創今城郭
館署皆有遺構也卷一萬八千一百
三十五第三頁

譚全播

全播南康人昭宗末嶺表寇亂全播與鄉人盧光稠相與
聚兵謀署首領衆推全播怒曰諸君舉事必望成功須籍
良師盧公軀貌堂堂真諸君帥也衆人唯唯未定全播拔
劍三擊庭樹曰不從令者與此樹同乃立光稠而全播為

謀主所向多捷勢漸盛遂破王朝之衆入據虔州推光稠
為兵馬留後全播分掌城中兵天復三年與潭人共伐番
禺下韶州潭人不利乃引還光稠命其子延昌守韶州其
弟光牧果敗奔還潮人乘之伏兵四起大破之擒其守將
鄭廉遂從光牧圍潮州番禺救之乃引還劉巖劉隱以廣
州之衆伐光稠以報韶州之役旌旗相繼數十里圍城十
餘重光稠大懼全播曰吾詣劉公易與耳無足憂也光稠
喜曰虔與韶昔與君所共定也此日之事非君不能辨之
於是治戰場於城內告戰期於劉巖巖令諸軍曰戰之勿
殺虔兵悉可生擒之全播選精甲萬餘伏於隍澗兵峴之

間與老弱五千鼓行而前數戰乃退巖縱兵長驅中伏發
巖等大敗單騎遁免斬首萬餘級光稠議功全播泛讓諸
將而不受自是光稠大歎賞之俄有疾將以符印授全播
不從光稠死延昌自韶州奔喪全播立事之延昌好遊獵
荒傲無度大將黎求俟其出獵閉壁門而殺延昌於城外
求以全播不與已同謀將害之全播請老閉關不出後求
方欲蒞事見延昌持彈叱責之求中丸而死衙將李圖復
知州事全播懼禍稱疾篤杜門李圖疑之與議姻親多方
以覘其動靜全播應覘為狀終不可識廣州聞全播之病
乃北侵陷韶州李圖卒其子不肖閉子城以自衛州人無

歸相率詣全播第請為帥拒之不可遂從之遣使詣梁俄
授萬勝軍防禦使五嶺虔韶二州節度開通使檢校太尉
開國侯在任七年人物殷盛俄而徐溫命劉信伐之信以
大衆填其城濠全播令人潛為地道運其土壤深如故信
以為神莫之測也攻擊萬端不能剋遣使說之全款服全
播請從溫聞之怒曰信以十倍之衆不能下一城何以取
威敵國命回兵攻剋之擒全播以歸授左威衛將軍領虔
州如故卒於江都年八十五當盧光稠之未舉南康先有
謠言曰盧破黎頭出李子始花開潭深魚聚正楊柳西邊
裁既而光稠有南康至子延昌而破黎求繼求死李圖繼

之全播方盛柳者劉也而楊氏命劉信攻取之一郡之地

何冥數之若是乎

卷一萬八千一百
三十五第四頁

李濤

濤趙郡人祖遠唐杭州刺史父逸壽安令濤涉書史會唐
末四方盜起乃投筆從軍光啟三年秦彥囚高駢濤從行
密義舉列八寨維揚西彥盡以步騎背城求戰俄而彥軍
已破一寨諸將以兵勢相懸宜堅壁勿出濤怫然曰今以
順伐逆豈論衆寡設令欲退將焉歸濤願以所部為前鋒
請觀破賊行密壯之遂出戰果敗彥軍自是無復敢出濤
以功遷騎軍都尉渥襲位授和州刺史初行密既卒張瀨

陰有異志以都統符印送宣諭使儼^李行事嗣王意未決一日諸將共議四座畏顥無敢言者濤曰都統符印是昭皇御翰所賜王父子承襲用在不疑苟付他人中外安仰諸將以其辭正皆伏羲顥獨然投袂而去渭襲位遷吉州刺史十年授行營招討使攻越臨安濤敗陷於越順義元年吳越通好杭人厚禮歸之授左雄武首軍加泗州防禦使遷寧遠軍節度使大和四年卒年七十二

卷一萬八千一百三十三

第十
四頁

鍾章

章字憲明廬州合肥人少不拘細行雄果有四方之志中

和中行密據合肥名置帳下累從征討皆克獲有功天復三年朝使李儼至行密得承制拜授以功歷左監門衛將軍天祐五年張顥弒渥將出徐溫守潤州以圖自立溫與嚴可求謀非章不可除顥章知之因選士三十人夜集軍舍椎牛享之刺血而飲以為誓溫謂曰吾有老母不若且止章曰斯事一言既出寧可中輟耶明日章與姚克瞻殺顥於衙堂遷檢校尚書左僕射左衙副指揮使從周本攻越州拔衆夜歸越人襲之章以二百人散樹旗於菰蒲間越兵退去絕糧三日章壯氣無衰章自以除顥功大賞薄會與骨言爭握槩因譁語較軍功以及之溫聞而歎曰斯

固吾過也明日加章滁州刺史滁民有訴章者章詣金陵自理温逆謂之曰前事為理已改授公光州矣章遂之任未幾遷壽州團練使會疆吏告章侵市官馬因遣王稔以巡霍丘為名往代章章歸中途改饒州刺史俄召歸金陵在郡二年加同中書門下平章事章多力嘗怒其家人其人匿避章愈怒因拉折鐵杵後卒於治所年六十二卷一十一百三十四第十三頁

朱瑾

瑾宋州下邑人也雄武倜儻有吞噬四方之志光啟元年汶陽曹全昱遇害軍城無帥鄆兵共推瑾兄瑄為留後瑾

之季仲俱為列校明年兗州齊克讓妻女於瑾瑾伏兵伏假稱聘禮改服甲士詐為昇夫而往親迎夜發卒殺兗州軍校王稠膚遂虜克讓詰旦自稱留後三年夏秦宗權併兵攻夷門梁祖幾至不守會瑄援至合梁祖兵大戰城北瑾單騎嘗寇馳突往返當者無不披靡宗權敗走自是瑾與梁軍互為犄角屢破宗權朝廷以功授瑾兗州節度使未幾梁祖交惡於瑾遂成仇敵大順二年冬瑾率兵萬人攻單父梁祖遣丁會禦之瑾軍大敗於金鄉景福初梁祖攻徐州瑾率全軍來援時溥擊梁軍殺其將翟存因席卷十餘寨乾寧元年梁祖親攻鄆瑄瑾合兵迎戰敗之於東

河二年春梁祖將朱友恭攻瑾塹其城守之是時連歲交兵四郊無耕織瑄瑾勢蹙因間遣使乞師太原李克用假步騎五千濟河梁人退舍十月梁祖復親攻兗州塹圍之瑾單騎求鬪梁將無應敵者瑾兄瓊先以齊州款約于梁梁祖使瓊臨兗州說瑾瑾怒瓊無急難之義偽遣使告降梁祖自至延壽門與瑾交說瑾謂梁祖曰兗城符印他人莫可付願得兄來付與既而梁祖遣掌謁劉捍與瓊偕至瑾馬立橋上遙謂捍云願兄先來乃麾將士擒瓊徑入未頃城上大譟擲瓊首於外梁祖大悔因班師焉四年正月鄆州先下瑾亦梁盡與晉將李承嗣史儼求軍食於野梁

將龐從奄至城下瑾將康懷貞率瑾子私以兗城送款歸不得入引承嗣諸軍將保沂州為其將尹處賓拒關不納瑾狼狽將奔海上復追之後泊乃渡淮歸於行密行密迎之於高郵待以殊禮立解所服玉帶為贈捍甲第遺財帛鉅萬表瑾領武寧軍節度淮南行軍副使是冬梁祖遣將龐從大寇青口行密親征之令張訓以羸兵前導從意輕吳師貪奕棊不顧瑾請假梁人旌旗率騎前濟突入從中軍營行密得引兵急渡爭破諸柵遂擒從斬之乘勝攻泲河軍葛周敗走光化二年春從行密攻彭門移師侵宋梁祖屯睢陽以禦瑾會天大雨與瑾交綏而退天復三年授

瑾東面諸道行營都統平盧軍節度使同中書平章事天
祐十三年淮南小校馬謙李球乘酒脅衆挾渭登樓發武
庫兵為亂陳於門橋北外衆屢却會瑾自浙西至惟引一
騎視其坐起云此不足為禍因返顧外衆推手一呼亂兵
皆潰去遂擒謙是冬與行軍副使徐知訓率兵攻潁州梁
人援至而解渭將開國知訓患瑾位加於己請以泗州建
靜淮軍出瑾為節度先是瑾因朔望令女妓通候問於知
訓知訓淫縱強欲私之瑾心已不平復有是行會知訓夜
張祖筵瑾中宵先起詰旦度知訓酒方困復留刺以出既
听知訓果來謝瑾因延入室出其妻陶氏知訓方拜瑾以

以笏擊之踏于地左右自外突殺之初瑾先繫二惡馬於
廡下及將圖知訓密令釋其羈紲馬果蹄啣外人莫得聞
變因斬首以出知訓從人數百瑾扼臂叱之俱辟易散去
復乘知訓馬馳入府中訴於渭云今日為大王除患渭曰
此事吾不敢知因命瑾疾去瑾忿以知訓首繫柱詎渭曰
懦夫安足與成事携劍復出望府門已闔因踰垣折足大
呼曰吾為萬人除患今以一身當之耳遂自刎夷其族時

年五十二

卷一萬八千一百
三十四第八頁

宋志誠

志誠沙陀部人少便騎射以驍勇聞乾寧四年奔于行密

龐從寇青口葛周寨泝河志誠俱為前鋒連戰皆勝以功
遷馬軍指揮使田頤叛于宣州志誠與臺濛敗頤於廣德
天祐六年危全諷將伐鍾陵湖南遣苑玫屯上高以為全
諷聲援命志誠與王祺率兵破之十年從徐溫敗錢瑛於
梁谿後又破王茂章于淮上十一年隨柴再用討劉崇景
于袁州敗袁人于萬勝岡崇景棄城遁去遂入之先是袁
人兒童聚戲穴地為釜圈若為甌曰將柴米來至是果應
以功加檢校太傅領泰軍節度使十五年朱瑾殺知訓携
其首入府中志誠聞之被甲引其子并親從十餘騎至天
興門問瑾所向聞瑾已死乃歸徐溫疑其助理遣使殺之

嚴可懼求其不克遣人偽自袁州至告大破楚人諸將皆賀
志誠亦入因伏壯士斬于棘門之下諸子皆棄市卷萬八
一千一

百三十四
第十四頁

翟虔

虔彭城人也乾寧初徐方將陷虔盡室南渡謁行家於廣
陵及徐溫典右衛以虔為軍佐扁張灝之亂溫與嚴可求
陰計其事密遣虔往傳導及誅灝虔有力焉因授子城甲
仗諸庫院鈐轄等使天佑十五年朱瑾殺徐知訓挈首突
入府門時兵衛倉卒莫敢抗禦虔驅率散卒共閉關瑾以
是不得出遂踰垣折足自刎而死會宋志誠引十餘騎問

瑾所向聲言以襲瑾為名虔乘求闔謂曰瑾已戮矣何不
自歸營因是志誠遂返渭喜其應機却賊以瑾且陵莊賜
虔為賞及吳國建復旌其勳授閣門宮城武備等使領光
州刺史順義四年溥幸白沙對徐溫呼雨為水溫請其故
溥曰此是翟虔父名吾慣諱矣因言宮內諸王須索虔多
阻限不時進納溫欲斬之為溥救護而免黜於撫州未幾
授行軍副使及廉使徙任虔知本州軍事七年卒年六十

三卷一萬八千一百
三十四第十六頁

張可琮

可琮不知何處人中和之亂奔于江淮行客識其勇毅擢

^在左右破孫儒於宛陵先登陷陣稍遷列校時吳人初得宣
城毗陵之地無錫居越人之衝患其攻擾天復中選可
琮守之錢鏐忌其名棟驍將卒二千中夜襲之邑中大擾
可琮閱兵得百餘人皆乘城疾戰越人驚憤而去吏士皆
賀可琮笑曰彼眾我寡其勢未已方復勞諸軍一陣爾於
是雪燈火屏旗鼓若空邑然越人偵之以為宵遁果復至
可琮約將士候其附城突擊大破之寇盡潰去方告於郡
守李簡簡雖怒其不時告且壯其事列上其功後以徐溫
之命掠東洲下之即以為制置使天祐中除江陰縣鎮遏
使遂城江陰沙山之役可琮以江陰之衆供軍旅展斥候

無闕謀徐溫喜之擢拜常州刺史大修城隍民賴以安順
義五年卒年六十五卷一萬八千一百三十四第十八頁

鄭璠

璠汝南人始事秦宗權後隸孫儒入淮南尋歸行密前後
戰伐皆預行光化四年授左先鋒兵馬使是歲從李神福
攻臨安擒越將顧全武方字等四十餘人遷左衛將天祐
初王茂章征安仁義於潤州洎城陷中十餘瘡以功遷左
先鋒都尉從攻預章璠以所部發機飛火燒龍沙門率壯
士突火先登入城焦灼被體以功授檢校司徒復從柴再
用與越人戰敗及陳璋復東洲璠城而守之復會呂師造

攻蘓州與越人戰虜其次將陳綰璠左脇中弩幾死授蘓州
行營都指揮使周本擒危全諷於象牙潭璠所部功多又
攻新淦縣克而守之尋以張宣代歸復佐周本攻袁吉緣
山疾戰悉攻其巖壁焚之民皆復業十五年從王祺劉信
攻虔州克之授璠羅城使順義元年領饒州刺史六年知
楚州率兵援汀洲軍事乾貞元年就拜團練使二年授鎮
南軍節度副使知軍府事大和三年授饒州刺史五年遷
金陵行軍副使卒年六十六卷一萬八千一百三十四第十八頁

楊彪

彪宿州人身長七尺餘呼聲如鍾個儻有武幹善騎射行

密見而壯之擢授衙內散指揮使渥嗣位潭人犯邊授西
南面行營護軍副將謂諸將曰彼衆我寡未欲輕動乃守
其要津以輕兵挑戰登高以望之見其麾下進退不一虜
笑曰非勦敵乃縱兵出戰親射其首將殺之順風焚其艦
溺殆盡凱旋擢授江陰鎮遏使徐知誥鎮潤州充都尉以
從越人寇無錫東南大震知誥東征虜與陳再通領死士
千人于路次弓弩忽發越人驚擾又竊賊蹏令以入其壘
殺獲甚衆明日又戰自旦及辰未決虜躍馬疾馳之越人
遂退師還以攻授殿直軍副使與郭悰分直宿衛徐知誥
謂之曰郭悰猛而少機警宿衛之職唯尔是賴大和三年

卒年五十二

卷一萬八千一百
三十四第十九頁

陳祐

祐歷陽人年十七歸行密於合肥從入廣陵孫儒來襲吳
師亂祐之卒伍獨成列洎入宛陵稍遷為偏校時行密修
貢于天子祐應募而行達於朝廷制授兼御史中丞從攻
滁濠壽等州下重甲先登戈傷弓墜而復上馭龐從葛從
周朱友寧皆預戰有功秦裴下豫章時朱思勳范師從陳
鏞以兵伐之鏞等皆渥之復心也張顥忌焉今祐以渥命
往誅之三校皆士士也顥既遣祐行甚憂之祐踰險輕行
六日之豫章微服懷短兵入秦裴帳下裴驚其來且告之

故因責裴以不能制三師而今有異謀裴懼未及對祐乃
令召思勳等晏會及至則右已與裴飲矣三校入見祐皆
色變俄而酒三行祐^數其罪悉叱而斬之以歸徐溫之誅
張顥祐有力焉天祐七年越人侵無錫徐溫自征之祐率
黑雲都尉以從誅軍朱集祐告溫曰寇謂我勞頓而至未
能陣也願以所部先薄之大軍見可則進溫從之祐詭道
以出入後會大軍夾攻大敗之十三年溫在潤州小將周
郊詐稱役徒懷短兵入府多殺軍吏而衛士無兵伏拔武
庫之捷出兵仗授之以戰或有時後擊祐傷腦踣于地從
者負之息于門下稍獲時賊雖息府中尚擾升樓傳呼不

能止祐舉首叱之衆皆投兵伏罷去溫手封其傷授黑雲
都尉溫遷金陵制宮室府署命祐董其事以功加檢校司
空大和元年授饒州刺史卒於任年六十五

卷一萬八千
一百三十四

第十
九頁

劉權

權許州人少從軍於蔡州景福元年來歸行密入淮南隸
田頌麾下累遷同州節度副使光化二年頌與越人戰權
乘勝深入為寇所得錢鏐見而慰之曰尔壯士也吾終不
以俘虜相蓄洎通和縱之歸渥襲位補衙將渭開國以權
侍衛動肅授左衛列校右僕射從周本攻蘓州蘓州回授

右衛列校為毗陵子城使率海船與越人戰勝充洪州都督長史領吉州刺史潁川之後授行營都虞侯時徐知訓為師而軍政皆委朱瑾梁將袁象先師步騎救潁瑾晨興望西北背昏黑知梁兵將至名權與議值天大寒權幅巾綿袍而至瑾問曰爾何職曰行營都虞侯瑾曰是職曰動必為諸軍先今氛興西北陰翳閉天此梁人至矣爾司斥侯尚為此服且軍禮何在叱左右執之就戮知訓徒跣而往救之僅免時梁祖兵已至戰少不利乃引還及瑾殺知訓城中恐懼將從而為變權出師而瑾自殺眾乃肅然徐知誥至丹陽遷左右軍都押衙事武義元年領雄武大將

軍六月從徐溫與越人戰於沙山洛社敗之俘其卒數千

七月從知誥戰無錫大破越人二年卒

卷一萬八千一百三十四第二十一頁

崔太初

太初淮西人父亮蔡州監牧副使太初身長七尺勇力過人中和末以大力長槊應募行密見偉之名居帳下歷壽州衙內副指揮使天復中田安將謀叛行密疑朱延壽與之交結太初累從延壽征討曾諫延壽及延壽擒行密嘉其意遷太初衙內都指揮使天祐十五年從徐溫破王茂章遷本州司馬權知壽州團練事先是壽春自乾符後守卒俱為多謀彊力者據而後奏報以要息及陳紹卒宣王

遣王定持虛銜官告以往令度可授者與之定以軍改雖
出太初而職在衙將審審言之次因潛報太初曰詰朝若
州之符印再至於君慎勿更讓明日召諸將齒先以符印
置坐末以次遞捧而上及審言而止定曰王府之命非審
公而誰然合更相推以成禮也審言如教復至太初定曰
唯公不可多讓乃麾其下位者俱令列賀復數日軍州無
異議始以官告授之人有密諧太初常蓄鄉閭之念者會
徐知訓征潁州路出壽春且觀其意太初着烏帽草履徒
步至塌山為知訓馭馬十五餘里知訓見其屈降前疑大
釋太初不喜儒生多疑好察每通衢交會之所牆必置耳

常謂人曰還聞牆有耳否又曰非牆耳乃吾也由是行路
之人鮮敢偶語者召歸授右雄武大將軍加檢校太傅同
中書門下平章事守左殿直統軍大和三年卒年六十六

卷一萬八千一百
三十五第三頁

陳彥謙

彥謙毗陵人少負壯節有剗繁治劇之才行密定江表召
為潤州司馬以幹局聞徐溫鎮浙右以機務為寄彥謙亦坦
然不語言行計從人莫能間溫欲居金陵問策於彥謙對
曰金陵昔為王者都今實近畿閩輔也作鎮於彼其誰不
往溫從之遷彥謙金陵大都督府右司馬營度外城府署

三年而畢上經費之籍天祐十五年朱瑾殺徐知訓溫召謂之曰蛇豕雖亡枝蔓猶在令就廣陵除其餘孽及梁祖即位隴蜀建號彥謙勸溫諷謂建朝廷及更章服彥謙頗有力焉溫嘗閱帑藏見金帛委積因曰此三軍物吾豈敢有然致此盈也公之力也因授鎮海軍節度判官無錫之役未戰而溫疾吳越兵攻其帳我軍相顧失色彥謙即引旂鼓詭遷于左其攻稍息及敗越兵遷楚州團練使諸藩即歲時伏臘爭獻賂遺溫悉令納之病溫親往慰問自調湯藥臨卒手疏十餘事首即以用嫡嗣為請順義五年卒

年六十

卷一萬八千一百三十四第二頁

高澧

澧越州人祖實唐武寧軍節度使父瑰湖州刺史澧為錢鏐之將累功遷特進湖州刺史武義軍使天祐七年以受疑挈家屬二百餘口甲卒五千來奔授淮南節度副使澧嗜酒好俠殺人而飲其血日暮必於宅前後掠行人而食之一旦醉在樓上王寬經其下澧召之登而命左右去其梯操鋌於旁而以酒霑寬寬為所圖乃以大觴酢之澧皆推觴寬躍而取其鋌橫之於膝乃慢罵澧連以觴罰之澧辭不飲寬乃引鋌逐之澧環席而走叩頭乞哀併飲十觴卧不能起寬乃下樓徐去洎上馬命以鋌還之十五年徐

知訓為朱瑾所殺徐溫遷怒誅之卷一萬八千一百三十四第廿一頁

九國志卷三

吳

宋路振撰

列傳

田頌

安仁義

朱延壽

徐溫

田頌

頌字德臣廬州合肥人博覽書傳容止儒雅雄果有大志少與行密同鄉及戍塞上情好愈密軍回俱遷八營主將中和二年行密圖有肥上頌首為輔翼光啓二年壽春張勳遣將魏虔率眾來寇行密使崔自審敗復命頌往大破虔眾於楮城鎮三年從行密破秦軍于維揚頌功稱最文

德元年圍趙錕于宛陵明年夏錕糧盡舟出東溪乘瀑流以逸將奔淮南錕度行密皆步騎限水無從復至因泊永陽解甲登岸初顧疑錕將遁密造輕舟擬之至是追及錕奔不暇為顧親執以獻奏授顧馬步軍都虞候檢校尚書左僕射是冬與安仁義攻杜稜於常州下之十二月復為孫儒所敗大順元年秋顧屯浙右懼儒兵盛焚浙右營散於野二三年春退軍黃池廣德與孫儒軍寨壘相望顧兵屢戰多北會夏大雨儒營多墊溺避水而歸是秋儒盡熱維揚復濟師廣德十月顧率敢死士千人夜襲儒將張景思沈粲二寨破之擒粲而返十二月顧與劉威大為儒所

敗行密怒盡奪其衆儒遂乘勝逼城戴友規言於行密曰疆敵匝壘不用田顧恐非長策行密遽復起之明年六月盡破賊寨顧親與其下范文感等臨陣擒之秋行密歸淮海表顧寧國軍節度累遷檢校太保同中書平章事乾寧三年夏同安仁義破越之蘇州光化末馮弘鐸以接虜自將介守上元顧以厚利購得其工令速成大艦工日馮公每一舟必遠求榱桷既成數十歲為用餘木性不禁水非久必敗顧云汝但以此地木造之吾只圖一用不暇多年爾因而急就天復二年四月果與弘鐸戰於曷山弘鐸大敗舉族奔淮海時以上元地歸行密顧隨入覲會行密左

右要賂者衆下及獄吏亦有私請顧愀然不懌謂所親曰
斯吏亦欲吾下獄哉顧方求弛歛為屬郡行密復未之許
郡意望素高由是愈不能滿及回指維揚南水門云此門
不復經入矣初行密克定江淮方撫循百姓而顧與安仁
義朱延壽等皆猛鷲驍果以攻取為務行密憚其難制每
抑之是秋錢鏐游臨安其下許再思徐綰以餘杭外城叛
召顧為應鏐得夜從水路入保子城時顧圍之愈急鏐屢
遣間使求哀行密行密亦以顧若得志杭越為患必深不
若存鏐別圖進取因召顧歸鎮鏐復輸錢二百萬貫以元
璫為質顧始旋軍自是財富兵盛復以取杭越垂下為行

密所召乃與錢鏐和親反意遂決三年秋顧與潤州安仁
義同叛初召其謀將康儒議多忤意行密因而間之遣使
授儒廬州刺史顧果疑儒私納款遂族儒先是行密遣李
神福攻武昌及顧反行密急召神福旋師顧聞之復以兵
襲上元劫神福子承鼎遣喻意云苟見機從吾事平之後
當分地以治別命將汪建以樓櫓踵其後神福不顧叱左
右射承鼎以誓諸軍明日大破建於吉陽磯顧聞建敗自
督親軍求戰神福收兵皖口際水為堅柵是時行密別遣
臺濠王茂章率步騎以往顧復委舟師於汪建王壇自出
廣德迎戰大為臺濠所敗遂率殘衆遁保宛陵壇建聞其

敗因盡以舟師歸款於行密十二月顧出外州柵疾戰橋
陷馬墜為外軍所殺時年四十六顧母老行密哀而捨之
初顧與行密微時約為兄弟渥涓俱以子孫禮事其母顧
善撫將卒通商惠民復踈財受樂文士時遊其門者楊夔
康駟夏侯淑殷文圭杜荀鶴王希羽晚年楊夔知顧以兵
賦自恃將謀為變因著溺賦以諷之顧終不顧以至於敗

卷一萬八千一百三十四第五頁至六頁

安仁義

仁義沙陀人初事李國昌於塞上以遁奔河南隸秦宗權
軍中光啟三年擢為馬軍指揮使從宗權弟宗衡攻維揚

及宗衡遇害復奔行密行密得之甚喜盡以騎軍委之列
在田頎上文德元年從行密破趙鏗於蜀山與頎攻杜積
於常州破之大順初梁祖遣將龐從率眾十萬至高郵孫
儒盡眾禦之行密乘虛襲據浙右命仁義率眾敗儒將劉
建峯於武進儒復渡江陷蘓州自是與儒春夏鬪黃池秋
冬戰廣德儒竟以眾勝圍行密仁義於宛陵時時儒亦久
戰不決貽書仁義叙舊款密欲令行密猜間之待密待遇
愈至辟為行軍副使依前馬軍都指揮使景福元年行密
仁義及田頎背城晨戰儒軍大敗破五十餘寨以功奏授
檢校尚書左僕射潤州刺史仁義蓄性好貨雖凋弊之後

科歛尤急初儒之亂士庶多奔豫章及諸郡平流者皆復
行密皆以循吏守之唯浙右人聞仁義所為相與悲嘆曰
獨吾郡乃得蕃人以是多無歸者天復三年仁義遣眾盡
焚東塘戰棹結連宣州田頌以叛潛兵襲常州刺史李遇
設伏於路率兵前戰因極罵仁義仁義止其眾曰遇何敢
辱我至此是有伏兵也偵之果然仁義戰久而敗遇因襲
之至夾罔仁義立二幟於罔上乃解甲而食無敢追者行
密曹王茂章李德誠功仁義仁義不毀濠梁常開門出戰
與茂章對敵無不先告所中而後射之故諸將多挫銳而
止以是歷年不能破天祐二年仁義之眾漸寡自度終不

濟乃擁其家屬登城樓外眾無敢登者乃呼李德誠謂汝
最福人可以委吾命擲去弓矢令德誠執之父子俱斬於

廣陵市

卷一萬八千一百
三十四第六頁

朱延壽

延壽廬州舒城人行密之妻弟也美姿容未冠事行密從
征秦畢孫儒皆以推堅陷陣受賞行密征維揚授延壽以
扞城之任時軍中多盜行密方務寬恕求得士伍心知延
壽好殺每捕至者必并所盜物遺而賞之仍誡之曰慎勿
使延壽知既而密報延壽俱復擒殺之乾寧初黃州吳討
歸款遣延壽援之徇地蘄陽而還從圍壽春城堅不可拔

將捨之延壽請以所部試往臨城一舉而破城中市不易肆以功署淮南節度副使壽州刺史明年取蘄光二州以功遷團練使四年從征葛周於潁河敗之是後梁將屢寇淮上延壽每開闕延敵未嘗敢逼天復初北司擁駕西幸昭宗聞延壽有武幹遣李儼間道齎詔授延壽蔡州節度使令促行密與諸道持角共誅梁祖會鳳翔圍解而止田頔安仁義結構延壽叛將分地而治行密憂形于色即詐為目疾每接延壽使必錯亂所見以示之嘗誤觸楹柱而朱夫子救之良久始蘇因泣曰吾今喪目軍府事大兒子輩俱幼不如得三舅代治吾無憂矣夫人因以書召之延

壽不疑遂來覲行密迎至寢門使人刺殺之年三十四出夫人嫁蘄州刺史石膳既而朱瑾入賀行密曰彼二大賊不足憂惟憂此小賊皆得之無事矣延壽善用兵有鈐略好以寡擊衆不勝敵而返者無不盡戮之嘗與梁人戰遣衆二百持大劔而往內指一卒留之卒云願攻賊自效延壽亦斬其令出必行皆此類也性踈財每得賞賜皆分其賚將士李昇建國以延壽子鄴列於環衛復其官爵

千一百三十四
第十頁

徐溫

溫字敦美東海朐山人少無賴入羣盜中以販鹽為事中和

二年行密起合肥遂隸帳下為伍長常從行密征討先登
陷陣敵人畏之及平秦彥虜趙鋌販孫儒温皆有功奏授
衙內右直都將左長劍都虞侯又從平濠泗有功授隨身
都知兵馬使檢校工部尚書天復二年昭宗徵兵入援行
密將赴之議以戰艦運糧温曰此水入吳舟楫不敢南行
岸各既變葭葦且深必不繼矣遂令以小舟易之師次宿
州重載不能進士卒甚饑惟小艇先至一軍賴之行密嘉
之由是參預謀議討安仁義于京口諸軍頻戰不勝行密
遣温率兵援之温至城下盡易新製衣服旂幟悉用舊者
仁義不知如常而陣温乃麾軍奮擊遂敗之朱延壽入覲

行密聞其來慮有內應名温歸陰為之備既殺延壽營中
果亂温奮劍大呼斬其首惡者部分遂定既誅三叛以功
授尚書右僕射廬州長史隨授右衙都指揮使天祚二年
行密疾病渥出鎮宣城將行温謂渥曰公有病而今嫡嗣
出外必姦臣為之不可不防他日有徵召非王令某手書
非某之使幸勿應命也渥泣謝而行後行密問後於叛官
周隱隱以劉威對諸將皆無言温進曰宣州既賢且長國
之令嗣不可廢也乃召渥歸行密疾甚召温與左衙都指
揮使張顥同受顧託渥既嗣位噴大臣擅權政非己出乃
置東院馬軍置立親信以為心腹温與顥頗忌之故顥將

圖殺逆溫知其謀而無所諫止但引嚴可求與之計事顯
既弒渥白溫議分國兵共歸款于梁祖溫為許之乃與可
求謀使鍾章姚克瞻程思忠等入殺顯溫稱疾不朝嚴兵
於第以防不克是日章等斬顯溫乃入悉收賊黨紀祥等
諸朱遂兼左右衙事無大小皆專斷始立制度戢兵明禁
人漸安堵溫謂可求曰大事定矣與公等克已行善政使
人家解衣而寢於是聞者莫不敢激渭襲位遷溫深州刺
史淮南節度副使七年起復檢校太尉潤州刺史浙西觀
察使內外馬步軍指揮使是時大臣劉威陶雅李簡之徒
皆與行密同起義勲高位重溫以一旦之功超居其上皆

內意不服李遇嘗謂人曰徐溫何人吾素所未識而遽至
此豈可入覲耶乃密議誅溫溫知其謀遣柴再用討之遇
出降遂夷其族於是雅等始懼而來覲溫盡禮事之如見
行密雅等乃安中外遂定以平李遇功加平章事遷行軍
司馬領浙西節度十二年溫請就藩以治舟師乃加浙西
招討使封齊國公以金陵京口毗陵宣城新安池揚六郡
為都督府溫以金陵形勝之地乃大城昇州建大都督府十
四年溫徙治金陵以第三子知訓為淮南行軍副使留廣
陵以輔政十五年知訓為朱瑾所殺以長子知誥為代焉
時中朝多事南北道絕諸將分手郡府雖尊奉盟主而政

今征伐多以便宜從事温以都統權不足臨制乃定冊建
吳國改年武義稱制拜温大丞相封東海郡王越人功常
州温率衆拒之戰于無錫大敗越軍越人多舟師是歲旱
江河皆竭諸將曰温曰此天亡越之時也可盡車徒之勢
一舉而而^滅之温曰天下紛紛民甚困矣錢公亦未可輕也
若連兵不解方為諸君之憂今戰勝以懼之戰兵以懷之
其勢不得不服使兩地之民各保室家吾輩亦高枕為樂
豈不快哉多殺何為乃遣使盡以俘歸之於是越人請和
順義三年後唐莊宗滅梁始通使於朝五年封温東海王
賜車輅黻冕七年十月卒於金陵年六十六追封齊王謚

忠武

卷二萬八千一百
三十四第一頁

九國志卷四

宋路振撰

南唐烈祖以晉天福二年受吳禪至後主煜乙亥歲
國滅蓋宋開寶八年也歷三主凡三十九年

世家

烈祖

姓李名昇字正倫小字彭奴徐州人初為徐

位天祚元年封齊王三年受禪改元昇元國號

齊尊溫為太祖武皇帝昇元三年二月乙亥改

太祖廟號為義祖已卯改國號曰唐復姓李氏

更今名七年二月庚午薨年五十六謚曰光文

肅武孝高皇帝廟

號烈祖葬永陵

元宗

名璟字伯玉初名景通昇長子昇元七年三

年臣屬于周奉正朔蓋周顯德五年改元中興是

二年六月己未薨年四十六請于宋許復帝號

謚曰明道崇德文宣孝

皇帝廟號元宗葬順陵

後主 名煜字重光初名從嘉煬第六子宋建隆二
年六月嗣立即位十七年至宋開寶八年十
一月宋將曹彬滅其國後主降太平興國三年
七月辛卯薨年四十二是日七夕也贈太師封
吳王葬洛陽北邙山

列傳

周本

周本

本舒州宿松人漢南郡太守瑜之後祠廟隴畝皆在子孫
守故土者猶數十戶本少孤貧嘗在田里獨格猛虎唐末
大亂投楊行密軍中以勇敢聞常先登深入蒙犯矢石身
無完肌及歸營自燒鐵烙其瘡飲啗言笑自若軍中猛將

皆服之累遷淮南馬步軍使天祐五年楊氏始得江西撫
州刺史危全諷率諸郡兵十萬來爭其地屯丁象牙潭楚
人取高安為之援江南守將劉威告急判官嚴可求薦本
可用時本從軍圍蘓州不克耻之稱疾不出可求即卧内
強起之本曰蘓州之役非彼彊我弱也蓋上將權輕下皆
專命故爾今必見用願無任偏裨可求為言楊氏許之得
選兵七千使救高安本曰楚人非欲取高安也為全諷聲
援爾若先敗全諷楚人必走乃疾趨象牙潭劉威要之宴
犒不留或曰賊勢甚盛宜審觀形勝計定而後進何其遽
也本曰賊有十倍之衆使吾軍知之必將奪氣須乘其銳

而用之既至指授諸將戮力急攻大破其軍擒全諷諸郡之兵皆潰楚人果遁吉州刺史彭玕信州刺史危仔昌棄城走於是江西之地始定以本為信州刺史越將陳璋據衢州歸欵越人圍之本受命以兵迎璋既至越人解圍陣於城下璋以衆來奔裨將呂師造曰賊去我咫尺而勒陣不動是輕我也必擊之本曰吾受命迎陳使君陳君今在此吾事訖矣何為復戰且彼近而不動必有以待我也擊可勝乎待其先動擊未晚也璋亦以為然乃還越人躡之至中道宿半夜佯驚弃輜重走先設伏於道左越人急追至伏所前後夾擊盡殲其衆越人累至皆敗走唐莊宗入

濟陽吳遣司農卿盧蘋使于濟陽莊宗問吳之名將存否而本預焉由是召入為雄武統軍出為壽州節度使移鎮廬州拜太尉中書令封西平王本不知書而愛重儒士賓禮寮屬不撓其權吏民愛之性純朴伎藝無能者唯軍旅之事則如夙習烈祖將受禪徐介周宗等以本及李德誠皆位望隆重故諷之以為推戴之首本以昏耄仍不知時變皆少子祚左右其事時吳宗室臨川王濛廢處歷陽聞將授終乃殺監守者與親信二騎趨詣本本將見之祚固執不可本怒曰我家即君也何不使我一見祚閉中門拒之濛被殺吳室遂移本隨衆至建康勸進由是愧恨數月

而卒子鄴有戰功亦至廬州節度使

卷一萬八千一百五十五頁

九國志卷五

宋路振撰

吳越

武肅王以唐乾符二年起臨安至宋太平興國三年忠懿王納土歸朝凡三世五主有國九十八年

世家

武肅王

姓錢名鏐字具美杭州臨安人唐乾符二年

下兵馬都元帥開府儀同三司尚書令兼中書令上柱國吳越王後唐長興三年三月庚戌薨年八十一在位四十二年謚武肅

文穆王

名元瓘字明寶初名傳瓘第七子後唐長興三年四月己未嗣位先是鏐以中原

喪亂於梁開平元年改元天寶私行鏡中凡改元四用藩鎮禮仍遵中國寶正六年至是以

遺命用藩鎮禮仍遵中國寶正六年至是以

天福六年八月辛未薨年五十五勅謚文穆葬

于國城龍山原

忠獻王 名弘佐字玄佑元瓘第六子晉天福六年

六月乙卯薨年二十勅謚 忠獻 葬于龍山之西南原

忠遜王 名弘侁字隆道元瓘第七子晉開運四年

閏七月漢以弘侁為吳越王遂遵正朔十二月

晦內牙統軍使胡進思等作亂劫幽衣錦軍傳

忠懿王 名俶字文德初名弘俶元瓘第九子漢乾

禮賢宅端拱元年八月二十四日薨謚忠懿以

縣簿鼓吹葬于洛陽

列傳

杜建徽 鮑君福 成及

顧全武 黃晟

杜建徽

建徽字延光新登人父稜廣明中為鎮海軍節度副使歷

常潤二州刺史兩浙行軍司馬黃巢之亂稜歸鄉黨保聚

徒眾得千餘人號武安都鏐與董昌起兵石鏡及平劉漢

宏其眾漸盛稜謂諸子曰吾每責人不過十罰則為之傷

心竊觀錢公每臨斬決皆談笑自若成大事者必此人也

遂率眾歸附於鏐光啟中從征薛朗以稜為常州刺史尋

遷潤州乾寧中安仁義逼東陽命稜率師討之仁義宵遁

鏐平宣州以其降卒隸中軍號武勇都為腹心稜常患之

密遣人白鏐曰狼子野心稜觀武勇都士卒終非大王所

畜願勿近鏐不聽及徐綰叛鏐思稜言遣祭其墓建徽少
彊勇不與諸昆弟類嘗自署軍事押衙稜聞之頗加詬責
建徽出顧左右而歎曰大丈夫何止一軍校耶後隨稜歸
鏐稜治常州為淮人所攻建徽率兵馳赴父難未及境而
城已陷遂還新登後稜自淮南歸軍中嚴整無改稜甚嘉
之累從征伐未嘗介甲所至輒有功軍中謂之虎子乾寧
初從征董昌為流矢貫臂而戰不輟開平中從征姑蘓與
敵遇于河河梁斷策馬徑渡及岸而馬斃因葬之至今馬
塚存焉徐綰之亂建徽率所部自新登來赴難或有勸鏐
東保會稽者鏐未之荅建徽按劍叱之曰事若不濟當同

死於此誰敢東渡耶鏐甚壯之睦州陳詢叛建徽之姒也
鏐疑建徽不言俄有睦州聽吏來降持建徽所遺詢書以
示鏐皆戒勵勸亂鏐大嘉歎賜建徽錢百萬從兄建思嘗
諧建徽言其第中蓄兵仗將為異圖鏐遣人密視之一日
建徽方食堂上使者至徑抵卧內建徽但食不顧鏐感悟
益加殊待性儉率出入導從不過數人凡得賜予皆散施
鄉里親族每朝使至鏐與之宴必指建徽以示之曰此杜
丞相今日至此皆其力也其孫昭達為弘佐內都監使盛
治第宅建徽曰乳臭兒不諳事乃爾後昭達果以罪誅嘗
從擊鞠於廣場盤辟大呼舊所中箭鏐忽自臂中迸出人

皆壯之初稜之將死也散財物於諸子至建徽但得一笏
謂曰此吾所秉者唯汝能保之建徽自授節鉞至於丞相
封勳國公皆奏授朝命子弟多至二千石連姻室公人稱
其盛乾祐三年卒年五十八

卷一萬八千一百
三十七第二十七頁

鮑君福

君福字慶臣餘姚人少羈貧性淳厚有膽勇餘姚有井面
濶丈餘橫以雙梁水深不可測君福每醉必寢其上及從
軍以驍勇聞初事劉漢宏及鏐東討乃率其黨來附號曰
歸明都累從征討有功能馬上輪兩劍望之若飛電沈默
少語軍中謂之鮑不鬧淮人寇三衢以君福為應援使屬

刺史陳璋叛淮人入其城揚行密令其將李元嗣監守君
福署以郡職君福不受鏐聞之恐其被害也乃密與絹書
令其就職君福竟拒之一夕與元嗣飲伺其醉而殺之奔
歸錢塘授衢州刺史淮人屢寇其境君福每擊破之及罷
歸鏐勞之曰公在郡數年戰鬪而已豈為優賢邪因復遣
之任元瓘領清海軍節度辟為副使同平章事兼侍中天
福五年卒年七十七

卷一萬八千一百
三十七第廿一頁

成及

及字弘濟錢塘人祖克平唐嘉王府長史父貞國子博士
及性純厚為鄉里所知光啟初江浙兵亂及保聚於富春

稱靜江都劉漢宏作亂及以所步兵從鏐討之漢宏平鏐
宴犒諸軍北關鎮將孟安亂於席上拔劍而將擊鏐坐中
驚愕不敢動及徐起舉胡牀格孟安仆於地左右因擒殺
之以功奏遷散騎常侍靜江軍都指揮使潤州刺史薛朗
常州刺史丁從實判鏐命及討之破朗軍於陽羨進圍毗
陵從實具牛酒以犒之並遺美女於諸將及大怒曰我當
菹醢從實而食之今乃以酒炙女子悅我耶因盡索諸女
斬之親督諸將攻陷其城從實遁走以功奏授越州防禦
副使潤州刺史阮結卒命及代之遷蕪州刺史乾寧三年
淮人攻姑蘓常熟鎮將陸郢等以兵應之及不能守遂降

於楊行密行密入城閱府庫多圖書藥物由是重之與歸
淮南署行軍司馬及拜泣曰及以百口託於錢塘姑蘓城
陷不能引決豈忍更圖富貴願以一介之軀贖百口之命
乃引佩刀將自刺行密遽起執其手因厚禮而歸之鏐迎
勞郊外把袂以泣署鎮海軍節度副史徐綰之叛從鏐還
至北郊鏐微服將入城及代乘其車行與賊鬪鏐遂得入
綰平奏授保大軍節度遷彰義軍加開府儀同三司乾化
三年卒年六十七

卷一萬八千一百三十七
第十七頁

顧全武

全武杭州餘姚人少時嘗為僧博通外學機警有才略鏐

每延接與語甚器之及入都建國因辟令從戎以為裨將
軍中號曰顧和尚討賊有功累遷武勇都知兵馬使乾寧
二年董昌據越州叛遣裨將崔溫李蕙率兵屯石俟全武
率衆擊破之臨陣斬溫蕙湖州將徐應起兵以應昌與淮
人圍嘉禾全武擊破其烏墩光福二柵以屯西陵三年昌
將徐珣李玄賓據肅清四封九卿之地全武自西陵擊破
之珣玄賓皆乞降盡總其衆昌又遣裨將湯白守石城袁
邠守餘姚全武自西陵趨石城與白遇大戰石城東斬首
千餘級白僅以身免去會稽三十里不敢出援復攻餘姚
袁邠堅堅自守昌遣將徐宣率兵援邠全武潛師斷其要
衝俟軍半過橫出擊之殺二百餘人擒徐宣翌日袁邠以
城降全武進軍圍會稽昌閱戰五雲門縣玉帛以誘我師
全武率勵諸將并力擊之昌懼退入城中遷全武諸軍都
虞侯東面都知兵馬使遂攻五雲門時淮將臺濛陷姑蘓
鏐欲遣全武屯西陵以備北寇全武曰賊之根本繫於越
州豈以失一姑蘓而遂緩大衆耶當先拔越州後復茂苑
未為晚也鏐從之俄而越州陷執董昌以歸奏加全武檢
校太保明州刺史四年與沈夏許再思率師由海路以赴
嘉禾諸將緩入全武曰嘉禾圍閉久矣莫知我之勝負宜
速往慰之因倍道而進城中見我軍旗幟皆稱萬歲全武

與昌將李宗禮頓全戰于城外大破之獲頓全宗禮以歸
餘衆遁去俘千人以歸嘉禾平時吳將田郡守吳興聞之
亦遁去全武追襲百餘里斬馘沈溺者千計遂督衆復蕪
州吳將臺濛棄城遁走時淮軍屯崑山全武擊破之擒吳
將秦裴光化二年加贊忠去偽功臣天復初淮南李神福
功衣錦城鏐遣全武率兵禦之全武素輕神福領衆夜掩
其軍為神福所敗執全武送於淮南鏐方食聞之大驚以
七擊案曰喪我良將二年揚行密遣使來求秦裴因歸全
武鏐大喜以秦裴報之是歲徐綰許再思叛圍外城鏐懼
綰據會稽將令全武領兵屯越州全武曰東府不足往當

詣邗溝鏐曰何也全武曰綰急必召田頔來則淮南興師
矣鏐乃令全武行成於吳全武又曰獨行必不濟請擇諸
公子與之同往鏐乃以元璪娉揚氏與全武俱行至廣陵
揚行密乃遣使召頔還師明年全武以元璪同歸長興初
以疾卒年六十五全武寬裕有謀善撫士卒喜怒未嘗形
也每大敵在前輦鼓動地分布行陣頔指口授怡怡如也
嘗圍淮將秦裴於崑山裴援絕不降頔殺傷士卒全武自
為長檄以諭裴裴乃封函納款全武喜召諸將觀之既發
函乃佛書一卷蓋以全武為僧也諸將失色全武大笑曰
爾不即死何暇相謔也及裴降乃為言於鏐卒全活之時

人稱其長者卷一萬八千一百三十七第二十二頁

黃晟

晟明州鄞縣人少伉勇始應募於望海鎮鎮中立表以選魁梧者晟以姓陋不中選隸都虞侯林膺膺甚倚之後潛歸鄞江募衆據平嘉埭權知州事楊僕召補平嘉鋪將有衆千餘人初劉漢宏以台州賊劉文知明州事僕率兵擊破之其黨杜宗自寧海鎮率鄉豪據奉化晟自嘉平以所部兵擊之擒杜宗赦而不殺盡驅使還台州獲其粟帛悉屬於本道遷伙飛都副兵馬使陟奉化鎮將餘姚鎮將相喜率衆侵越州董昌禦之不利晟領兵追喜殺之昌奏授

晟左散騎常侍充浙東道東面副指揮使會明州刺史鍾季文卒晟遂據其郡晟好禮尚文士江東儒學之流多往之辟前進士陳鼎羊紹素以為賓介頗加優待築居於城中謂之措大營董昌將僭竊晟每移書諭之及鏐舉兵乃率衆來應破越州晟功居多在任十八年開平三年卒時屬郡刺史卒多遺疏請立其子晟疾亟獨上疏不請以子為嗣凡府庫所蓄必題曰送鏐頗歎其忠順卷一萬八千一百三十七

九國志卷六

宋路振撰

前蜀高祖以唐大順二年入成都至後主咸
康二年國滅父子二世凡三十五年

世家

高祖

姓王名建字光圖許州舞陽人會黃巢亂與

月也明年赴行在禧宗以為諸衛諸軍光啟二

年三月再西幸李昌符焚棧道幾斷建控禧宗

馬過煙焰中既至興元命為驛州刺史大順二

年破陳敬瑄入成都為西州節度使天復七年

九月建號曰蜀明年改元凡改元五次共在

位十七年通正天漢元年六月梁貞明四年也

高祖葬謚曰神武聖文孝德明惠皇帝廟號

後主名衍字化源初名宗衍建第十一子光天元

是年十二月為後唐魏王繼岌破滅出降時唐
同光三年也明年四月己丑被殺于秦川驛年
二十八

列傳

王宗裕 王宗壽 王宗鑑 王宗佖 王宗翰

王宗滌 王宗侶 王宗瑤 王宗播 王宗鈇

王宗弼 王宗範 周博雅 晉暉 張造

張勅 李簡 潘在迎

王宗裕

宗裕建之宗屬幼從建入為牙校善遁甲絕甘分苦得將
士心大順二年與王宗祐克州遷青衣刺史建伐梓潼

為第二指揮使建親督諸軍力戰宗裕必冒矢石以掖衛
之東川平諸將爭功宗裕口未嘗言戰謙和接下人皆服
其沈厚為東川留守昭宗下詔加以真命武成初名歸總
成都城內外諸軍事其導從不避成都尹崔隱隱懲其僕
宗裕大怒入白建建曰京尹五大長官汝有識之士也不
能教戒參從反令我責大尹耶宗裕佷俛而出再為東川
節度副大使班白携幼以迎于道封通王永平初建興師
取秦鳳州再至縣谷宗裕饋輓貢獻道路相望建以其盡
瘁明年乃改東川為武德軍以宗裕為節度使宗裕既秉
旌鉞遂貪冒財貨以白金百兩作鈇鐔記年月每五鈇為

一束以生牛皮裹之子諫曰牛革著物堅確後難可開宗裕叱之曰何更開也罷歸衍慰諭久之自謂功高以征伐為己任築第蜀城中頗侵損民舍有酤者將訴於建宗裕懼而止又於郊外開廣林莽壞掘丘墓立亭榭鑿池沼樹花木携妓縱酒為樂一日方醉坐軒檻中見數人衣冠甚偉謂宗裕曰與君幽顯異路何相陵太過因相過大笑宗裕亦笑遽仆於地寢疾不數日卒

卷一萬八千一百三十六第一頁

王宗壽

宗壽建宗人之子幼從征伐警悟有機辯好琴慕篇什方術皆臻其妙建入蜀奏署懷節軍使以所部鎮謁江原縣

嘗於許汝間得一鐵鏡晦不可鑿屢令工人瑩之了無所睹著巾奩中有日矣至是忽覽之光采煥發因見市舍中一小兒青衣卅角獨坐宗壽異而使人召之小兒曰何以知我至此宗壽以言怛之不懼因曰我與鐵鏡來耳公不見還神物終當化去君以還我他年當有報也宗壽出鏡與之乃長揖謝去後宗壽得辟穀行氣之術或謂小兒傳之乾寧初建令率所部兵平南充遂知果州事安輯離散得郡牧之體武成初封嘉王荆南高季昌略地三峽建以壽為忠州節度使兼行營討招使以鐵鑊斷夷陵江季昌戰艦不能進宗壽禦之大敗荆人季昌奔歸以功加中書

令宗壽性方正樂於貞退自歸成都以飛練自娛與孟繼
平許寂楊珍為入室清談之友未幾為金吾上將軍持法
平正院吏周邵受贓鬻獄宗壽捕鞠得其實邵以重貨求
救於大閹為解宗壽不聽竟弃邵市建討鳳翔以宗壽為
第三招討使取陳倉還行襲位宗壽請閑久之行沈於酒
色時宣華苑初成數為長夜飲宗壽在坐諫行請以社稷
為念少近盃酌因感激流涕佞臣潘在迎顧在珣韓昭等
奏曰嘉王酒悲無恠也乃大為諧謔而罷後起為武信軍
節度使破鷄子槽賊擒其魁李茂章請納賂以求免宗壽
曰吾歷官四十年嘗未受同僚之遺况爾賊乎遽命斬之

唐師入境郭崇韜遣使遺宗壽書宗壽不納聞行降乃治
裝赴關時行先次岐陽宗壽請於李嚴求謁行行見之泣
下曰早從王言豈至今日及行過害奔入熊耳山依定林
寺明宗即位詣關自陳賜與甚厚授保義軍節度使行軍
司馬上表請葬行許之初行至秦川驛母妻及子弟遇害
者十八人並藁葬道左至是宗壽畫棺斂易編表徒步親自
營護偕葬于三趙村間者義之明年授淄州刺史卒卷一
千三百三十
六第二頁

王宗鑑

宗鑑建從子也以編裨從征建入閬州署都知兵馬使從

征東川有功遷廣都鎮遏使天復中僖宗反正建令宗鑑
以所部兵奔問行在授北路第二班馬步軍排陣使建親
征山南以宗鑑為御營使師還留屯平利時岐將劉知俊
等繼領大軍分路來攻田階成路奪固鎮糧宗侃唐襲等
禦之至青泥嶺為知俊所敗退保西縣會大雨漢江漲宗
鑑自羅村歸鄉導緣山而行數百里與宗播遇于鐵谷合
軍出湯頭時知俊自斜谷山南直抵興州圍西縣軍人散
掠巴中宗鑑與宗播襲之會建亦至遂解西縣之圍以功
遷山南節度使同平章事從征秦鳳遷中書令行襲偽位
加太保乾德六年卒

卷一萬八千一百
三十五第一頁

王宗佶

宗佶豫章人本姓甘氏幼穎利建討徐堂舉於江西獲之
憐其慧點是時諸子未生遂收為養子每給事帳下後從
建入閩中隨諸將征討有功補貔虎都指揮使遷嘉州刺
史乾寧中建克縣州以宗佶為兵馬留後尋加檢校太傅
知節度事未幾移鎮梓州昭宗幸鳳翔建遣宗佶與宗滌
等率步騎迎駕至山南降節度使王萬弘以功加檢校太
尉武成初進爵為公拜開府守中書令宗佶恃其位隆地
長頗專攻伐而諸將皆避之多樹朋黨策勳錄舊高下在
心附順者超擢違戾者擠之散地及宗懿等兄弟成長內

不自安遂與御史中丞鄭騫判官李鋼謀求為方鎮欲
為亂建知之因進封晉國公罷其機務宗佶憤怨陰養死
士出入卧内將圖不軌鄭騫等又教宗佶求為大司馬盡
總六軍并乞為儲貳表連上而辭甚不遜建未之罪也忽
一日請對言詞甚悖建勉諭令出終不肯去因叱衛士撲
殺之騫鋼並賜死卷一萬八千一百三十六第八頁

王宗翰

宗翰建之姊子也本姓孟氏建為神策軍師僖宗封其姊
為晉國夫人宗翰最被親愛建入蜀以宗翰為拱辰軍使
累遷眉彭二州刺史封集王賜姓王氏授文成等州招討

制置使宗翰好蓄妓妾後庭綵翠常百餘人性殘虐吞晉
刺彭州日部民史有胡讓莊號為沃饒宗翰殺史民而取
之元膺之亂以兵入衛建令安撫元膺倉卒而死建疑宗
翰殺之竟無以自辯通正初授通義軍節度使同平章事
守興元尹以杜堯副為之佐令規正焉宗翰於泉倉置寨於
捍龍山與上清寨相接分鄉兵屯守建畧地秦隴以宗翰
為第一招討使拔大散關取陳倉耀兵三壘而還宗翰所
為不法堯嗣多諫止之及為招討使請堯嗣同行至大散
關堯嗣腹疾請歸府乃自木皮店沿流而去宗翰令以膠
船載之中流而溺天漢元年宗翰被病若見堯嗣既而堂

宇藩溷隨其大小皆堯嗣在焉疾遂亟數日卒

卷一萬八
千一百三

十六第
二頁

王宗滌

宗滌潁川人本姓華名洪建將入蜀募勇敢之士以宗滌為廐將宗滌膂力驍果輕財好施為士卒所推得隸神策軍為小校建入成都以宗滌領前鋒兵奪星宿寨進攻七里亭以功奏授威信都指揮使邠州王行瑜與鳳翔李茂貞攻楊守亮於山南鳳州節度使滿存禦之為茂貞等所敗存與守亮退保山南茂貞逼之因同奔閬中建令宗滌率兵禦之破存等衆斬其將梁承裕俘數千人景福元年

授邠州刺史為都指揮使攻九隴守亮遣將符昭率兵解九隴之圍直趨成都營三學山建亟召宗滌歸夜至古城去昭營數里乃多設更鼓遲明益張旗幟徧諸山谷昭疑蜀師不敢出戰宗滌命發機石擊昭營中聲震山谷昭恐懼乃夜遁去宗滌回攻九隴拔之後從建攻梓州宗滌以衆五萬先趨東川與岐將李繼徽遇于玄武宗滌擊敗之以功賜名五十三指揮之首梓州陷斬顧彥暉降其兵七萬餘衆遂以宗滌為東川留守光化初奏授東川知節度副大使事二年歸覲遂以疾乞解職建不許昭宗反正梁祖與崔胤叶通盡誅中官更相引兵輦轂之下咫尺不通

昭宗密遣中官仇承坦諭旨於建建遣宗滌與宗佶宗播
率步騎迎駕至山南遂王萬弘據其城授山南節度宗佶
等以其功高邁以飛語建疑之因至詰讓將加之罪宗滌
對曰天下寇盜平矣是大王聽邪說誅功臣之秋也建曰
昨在大謾天寨中已有不軌之言矣我念汝之勤尚為隱
忍今又在狂率如此豈憲章之所容也宗滌不顧而起建因
令人監歸本營明日盡削奪官爵流於松州既行謚之於
城外營中將士聞之皆相對掩泣初建開國造端門新樓
名曰紅樓綵繪既畢都人士女競往觀之曰看畫紅樓建
以宗滌得軍情復有是讖故誅之人稱其冤

卷一萬八千
一百三十六

第五頁

王宗佶

宗佶許昌人本姓田名師世為鄉豪隸名忠武軍籍建為
部將奏署宗佶決雲都兵馬使光啟中田令孜逼僖宗西
幸道出陳倉建率宗佶同扈蹕又從建起閬中賜姓名討
陳敬瑄敬瑄遣漢州刺史張頊領萬餘人來逆戰宗佶擊
破之敗句惟立於學射山韋昭度來鎮西川敬瑄遣將山
行章將兵六萬拒戰宗佶破之於浣寨縣州刺史常厚奪
留東川顧彥暉旌節建令宗佶討之破其七寨厚奔縣谷
奏授宗佶雅州刺史遷眉州團練使未幾授武信軍節度

使建開國以宗侃有佐命功進侍中城內都指揮使尋加
中書令充北路行營都統岐將李彥琛寇漢州宗侃保安
遠城與宗鑑等三將同破岐軍斬彥琛行襲位封侃為魏
王卒年六十六子承肇入洛為行軍司馬

卷一萬八千一百三十六頁

王宗瑤

宗瑤字實臣燕人也本姓姜名郅以騎射隸許昌軍籍中
建擢為隊長建迎駕山南宗瑤以勇伉得隸左神策軍能
馬上盤槊長丈八尺每臨陣馳突人望而畏之遷威猛副
兵馬使建入閬州為先鋒十九都都頭左威猛都知兵馬

使賜姓王氏更今名軍至緜州誘諸蠻酋帥蹇諫等得其
兵數千人破常厚授蜀州刺史昭宗幸石門詔建赴難以
宗瑤為北路行營都指揮使奏加嘉州刺史天復中授武
信軍節度使建開國加太子少傅後封臨淄郡王建病亟
以宗瑤為金吾使參預顧命行襲位授太傅嘗自作高冢
遇暇則酣酒高歌於其中無疾忽一旦默坐而卒年六十
七人以為知死

卷一萬八千一百三十六頁

王宗播

宗播字昌遠上蔡汝陽人本姓許名存少有膽勇秦宗權
據上蔡召募豪傑以宗播為裨校宗權為梁祖所破部下

皆逃散宗播亡抵荊州聞郭禹在歸州頗完聚得士卒心
遂往依焉禹知其材令統青州元從兵三萬人時襄州兵
圍逼荊州靜江遊奕將牟權領衆屯清江源據大山列寨
諸營危窘宗播言於禹請討權於是伏兵清江岸中遣列
校蔡行能捨舟直抵山下權素輕行能聲軍來戰行能遁
歸舟中權盡銳逐之宗播發伏兵掩其後擒牟權收其軍
實以歸于禹禹大喜俄而荊帥張瓌求救於禹禹宗播率
岐州兵解其圍禹度瓌懦弱因據其城秦宗權上蔡別將
常厚以數人由均房來攻夔州刺史毛湘棄城遁走保
白帝厚圍之禹與宗播以十櫂于兵寨于南山以攻厚厚

令夔校韓楚言罵禹禹不勝其辱宗播請以壯士五千人
夜斫其營上赤甲山揭巨石投厚寨中厚恐懼與百人遁
去遂破其寨復取夔州毛湘奔成都禹令捕韓楚言已為
妻所殺矣先是楚言妻李氏語其夫曰君常為常司空罵
郭尚書今寨柵危急鋸解之若旦夕至矣不如早為之所
楚言不忍曰且看事勢李度楚言終不引決乃以刃自後
斷其首并殺二男一女曰無為他人所魚內也遂自斃死
禹聞之大驚駭為給棺斂刻石以旌之留行軍劉昌美守
夔州與宗播沂江而上郡縣望風而潰號宗播為許掃土
禹至萬州賞功以宗播為萬州刺史宗播不得志居歲餘

禹遣人偵之見宗播不治州務但出蹴鞠乃曰萬州必背我勾脚力耳遣卒三百襲之宗播踰垣夜遁遲明其衆稍至遂保豐都禹攻之宗播奔成都建得之甚喜令以所部屯蜀州賜姓名奏授絳州刺史建討王萬弘以宗播為前鋒破金牛黑水西縣褒城四寨乘勝傳其城萬弘降以功奏授漢州刺史加檢校太保建即位改金吾衛上將軍領彭州團練使岐將劉知俊圍西縣宗播為四面招討馬步使夾廩讓水置連珠寨首尾相應以勁卒二百出五洞磴擊之岐軍大敗遷武信軍節度使又敗諸蠻於潘倉加兼中書令為三招討攻隴州降李繼岌封臨穎郡王被病歸

建至其第執手曰北面開拓公之力也衍襲位授太子少傅乾德五年卒年六十八

卷一萬八千一百三十六第六頁

王宗鈇

宗鈇許昌人本姓李名武父裕為忠武軍小校鈇少無賴善騎射建募義兵迎駕得宗鈇以隸帳下至岐山屢有戰功署為隊長尋遷為裨將以勇過人號為武子路建入蜀賜姓名常置左右過敵必獨挑戰挾人奪馬而還遂為軍中所推建攻成都一日城內出數騎直抵七里橋宗鈇因躍馬奪閔子門蜀將宗行能策馬援槩而至將及宗鈇伴墜馬奪槩以刺行能徑走入城宗鈇逐之至門而還建慰

勞久之撫背曰吾得成都當宥汝十死洎建開國授晉州
刺史性輕率好貨恃勇不法未周歲以訟免官歸成都一
萬八千一百三
十六第七頁

王宗弼

宗弼許州人本姓魏名弘夫以家籍隸忠武軍建討王仙
芝尚君長皆在帳下建取閬中補義勇都十將賜姓名及
入成都改左驍騎都知兵馬使累遷嘉眉二州刺史建征
果州宗弼掠地于飛鳥為顧彥暉所獲彥暉責之曰王公
見討而君為大將不能諫正何敢來見宗弼曰罪固當死
但念平昔與相公有素故敢來也彥暉笑而釋之先是岐

將常厚攻梓州彥暉乞援于建建遣宗弼等援之臨行建
謂宗弼曰汝等破賊彥暉必犒汝汝當報宴俟彥暉至營
中則擒之俱來庶免後舉也宗弼如其約及將報宴而宗
弼告之彥暉遂以疾辭故宗弼以為言於是厚待宗弼以
以養子及彥暉兵敗建圍之益急彥暉弟彥瑤有武勇知
其城必陷請彥暉聚族沈飲自裁無為它人之所魚肉一
日城陷彥瑤伏劍入室宗弼與諸子尚在彥暉顧宗弼曰
爾非我子各自求生也因壞垣而去彥瑤遂刃彥暉與諸
子而自剄建入梓州宗弼束身自歸建待之如故逾年復
令將上軍再授嘉州刺史封鉅鹿郡王天貞軍節度使衍

襲位拜宮城內外都指揮使判六軍事封齊王行將往秦州宗弼曰唐兵壓境秦州何可去也又上表切諫行怒擲之於地行次利州唐師已入散關陷鳳州行遂遣三招討屯三泉以拒唐師未戰三招討俱遁去因令宗弼守縣谷而誅三招討宗弼遂與三招討同送款於魏王乃還成都斬宋光嗣等函首送於魏王遷衍及母妻于西宮貴戚納金寶進妓妾救死於弼者不可勝計微有絀誤者咸遭戮焉盡輦內藏之寶貨歸于其家魏王遣使徵犒軍錢數千萬宗弼輒斬之魏王甚怒及王師至令其子承班齎衍玩用直百萬獻于魏王并賂郭崇韜請以己為西川節度使

魏王曰此我家之物也焉用獻來魏王入城翌日數其不忠之罪并其子斬之于毬場軍士取其尸嚮而食之先是蜀有謠言曰我有一點藥其名為何魏賣與十八子至是

宗弼背國歸唐果其驗也

卷一萬八千一百三十六第七頁

王宗範

宗範本姓章氏幼喪父隨母周氏再適建為九夫人宗範年十歲冒姓王氏及建開國立周氏為后宗範沈厚寡言好延納名士親從軍晉暉以女妻之封夔王加太子少師永平四年黎州蠻入寇以宗範為第一招討使宗播宗壽副之乃以所賜金募果敢士出邛崃關至潘倉大破蠻衆

斬其首領趙嵯政追奔至山口城與宗壽合殺八千餘人擒蠻王子趙龍眉等三人以歸加中書令後隨行入洛至長安張錢為節度留後宗範以珍玩賂錢請復姓為猶子易名師範後唐天成初王宗壽改犇衍師範來弔贈宗壽不與齒後為雍州行軍司馬卒

卷一萬八千一百三十六第一頁

周博雅

博雅潁川人唐光啟中為龍州司倉叅軍考滿將歸關以川路梗澁乃寓止綿谷建至博雅袖策謁建於軍門建素聞其名一見忻然接待甚厚置之賓席博雅因說建曰唐祚將終有土疆者恣為吞噬以疆并弱然以僕觀之皆非

濟世之具也明公御衆有術臨事能斷僕非在龍州已為明公籌之矣自主上蒙塵明公親鞭乘龍匍匐棧道懷國壘以從周旋患難險阻之中勤亦至矣及論功受賞不過刺史今端守一隅坐待窘迫非君子豹變之象也且葭萌四會五達之郊非久安之地若不薄人人將薄我不如果閬地與民豪楊行遷為陳田之肘掖控扼要害不修職貢以明公臨之可一鼓而擒也得其地以廣形勝得其士以增卒伍此策之上不可失也建然之遂取閬中之地乃奏署博雅為判官建赴成都為陳敬瑄所拒退無所保建甚危之博雅曰兵家勝負無常古者出師自非晉重耳之賢豈

有一戰而霸者今邛南城壁完粟支數歲取之可以斷蜀
右臂願明公意留建曰吾少在戎行備知民意若無受鉞
之將必謂自圖其利今欲請朝廷命將出征吾當助成其
事博雅曰善乃令博雅作奏牘朝廷嘉之下詔褒獎乃授
韋昭度西川節鉞令與建同討敬瑄割邛蜀黎雅四州為
永平軍節度使建壁靈池與王師戮力逾年為糧運不繼
建請韋公班師因謂博雅曰韋公歸闕吾當以兵塞劍門
朝廷謂我何博雅曰今皇綱不振疆臣掣肘朝廷命令不
聞壺明公當折節為軍民計豈得顧此也於是建乃請韋
公歸闕而上表自陳急攻成都克之奏授博雅觀察判官

後出知渝州未幾詔加節度判官遷嘉州刺史建開國名
拜成都尹遷御史中丞俄拜中書侍郎平章事建薨葬永
陵博雅議山陵事俄請老遷左僕射出為永平軍節度使
雲南安撫使依舊平章事卒年六十六博雅本名詳犯孟
名蜀史追改之卷一萬八
千一百三十六第三頁

晉暉

暉許州人父和為忠武軍列校暉少有膽氣杜審權鎮許
昌以暉為頭營十將從鹿晏弘迎駕至山南晏弘遲留不
行暉素與建相善謂建曰鑿駕將回晏弘觀望不進而姑
息吾輩甘言見誘苟不自圖去就禍且及矣不如以所部

兵為勤王之舉不爾為晏弘所累且官車反正以吾等為賊黨何面目行於天下建然之遂俱行迎至三泉僖宗嘉之名其軍曰忠義以暉為指揮使隸右神策軍及再幸褒斜復統南營兵與建同為先鋒天子居梁暉統四都兵屯黑水修營棧道往來無阻朝廷慮其疆威因罷拱衛授集州刺史以散其朋聚一歲之中凡歷數郡盖欲窘之也建圍梓州遂往會焉建以暉為壕寨使建開國授武泰軍節度使同平章事黔中郡縣多屬涪陵比部員外郎陳凝為涪州守以暉制銜中不帶涪州刺史遂不納牌印暉上疏歸之凝責授瀘州司戶暉昭來逋竄剷除蠹弊州民愛之

罷上表請老日夕與親友宴談噉為娛嘗自言曰吾惟生多難學執干戈者為求飽暖耳今至此矣復有何望我嘗拔王宗魯於行陳今致位將相女復為王妃矣分封弘農

郡王卒年七十九

卷一萬八千一百三十六第四頁

張造

造長杜人父公素齊州長史造幼好兵家之學年二十應募隸武忠軍從鹿晏弘出征及晏弘據褒中造心無回志因與建謀曰吾輩遠離鄉土保聚無名今大駕將回主帥反側或隨其迹遁則皆賊也不如率眾拱衛以取美名建納之遣使上表僖宗驛召旌賞遂參翊衛隸神策軍及再幸

褒中以扈從功萬州刺史道阻不能去會建起兵閬中以
造為行軍司馬廣漢糧盡建慮軍情有變謀各據一郡以
自固造首唱大義慰諭將士眾皆感悅龍紀初詔授行營
諸軍馬步都虞侯遷茂州刺史從建討陳田引軍攻笮橋
為朱敬瑄所敗歿於陣年四十五建以其死事聞詔贈司
徒子彥昭為感德都知兵馬使從建收巴西破葛佐授劍
州刺史建圍梓州彥昭攻堅力戰歿于陣建痛惜撫其尸
以泣曰父死於前子繼於後忠勇之節出卿一門矣

卷

張勅

勅長葛人善推步之學少隸忠武軍籍從討王仙芝以勇
敢稱建以所部迎駕署勅義勇都判官復隸神策軍乃總
占侯之要著太乙玄精秘訣歌七十一首以獻僖宗奇之
詔與建同列從建起閬中破德陽寨斬王彥儔時建屢為
山行章所困勅每臨陣拔槊蒙輪殺十餘人敵為之稍却
奏署定信軍都知兵馬使大順中與王宗保同破浣花寨
建將入成都城中多亡命不逞之徒建恐其搆亂乃令勅
為諸都斬斫使兼左右廂都虞侯以誘掖鎮撫之勅既入
城索無賴者得百餘人悉鞭其胷死者相藉中外恬然不
敢偶語建即位歷眉邛二州刺史卒

卷一萬八千一百三十六第四頁

李簡

簡許州長葛人少以驍勇隸忠武軍從鹿晏弘出征有功
遷為列校建起閩中簡為義勇都副兵馬使大順二年陳
田遣將屯犀浦簡以所部擊破之武定節度使楊守忠與
常厚舉兵援陳田建令簡逆擊之相遇於鍾陽簡謂諸校
曰賊遠來多疲及其未成列擊之遂整陣鳴鼓而進連破
其七寨斬首千餘級擒其將楊知宥楊行等獲其軍資甲
馬不可勝計建攻毛湘於邛州以簡為前鋒晉原守任從
誨領步騎二萬銜枚奄至解邛州之圍簡曰賊輕而驕正
可用奇不勞與戰乃分步騎三千為兩翼潛河村俟其半

過來攻之從誨敗俘甲馬數千俄而邛州軍使任可知斬
湘以降建令簡入城慰撫景福中彭州部將李蕘率兵焚
繁維以援常厚建令簡逆擊之臨陣斬蕘遂進攻其城連
拔七寨常道走建獻捷於朝以簡為邛州刺史卒於治所
卷一萬八千一百
三十五第五頁

潘在迎

在迎字亞卿前蜀樞密使炕之子身長六尺精神警悟少
任俠不修細行交結屠狗天復中起家節度押衙王建開
國以為扈蹕軍使檢校司徒守林羽大將軍內皇城使唐
宸構難謀害宿將委在迎以腹心黜者既行多以後命誅

在迎妻徐氏后兄女也為營護之護免行荒于酒色在迎
與韓昭輩多預宴宮中自昏連旦王宗壽泣諫行在迎等
紹以酒悲自是大臣結舌無敢言者王宗壽鎮果州以在
迎為都指揮使知州事渠江賊杜處齊招納亡命據巴王
城在迎討平之以功授果州團練使魏王繼岌平蜀補為
右職知祥鎮成都復令典兵未幾出為蜀州刺史董璋遣
使并韜於郡中置邸回易在迎給事蓋仁達盜官麥以逃
誣告在迎因并韜密餽金於董璋知祥命執仁達送於蜀
州在迎斬之尋令在迎州以兵按撫後田乃服藥下痢以
疾告召歸知祥親臨問焉遂請致仕從之嘗謂人曰我於

前蜀有誅唐宸安社稷功當合秉旄鉞今逮事霸主親觀
虎變求一鎮不得命矣夫明德末卒於成都年五十五在
迎辯而多詐以財發跡至於權門要地悉啗以厚利日未
必盡伏之但不欲其冷語爾



